



歷代名賢列女氏姓譜卷之百二十二

湘鄉 蕭智漢雲澤氏纂輯

男秉信明甫氏校

去聲

祭氏

姬姓周公第七子所封其地今鄭州管城東北祭城是也周畿內之邑故祭氏世為周卿士子孫以邑為氏又鄭有祭仲足以其地近于鄭故亦為鄭所并

歷代名賢

祭遵字弟孫潁川潁陽人也少好經書家富給而遵恭儉惡衣服喪母負土起墳嘗為部吏所侵結客殺之初縣中以其柔也既而皆懼焉及光武破王尋等還過潁陽遵以

氏姓譜

卷三

十部

祭氏

一

縣吏數進見光武愛其容儀署為門下吏從征河北為軍而令舍中見犯法遵格殺之光武怒命收遵時主簿陳副諫曰明公常欲眾軍整齊今遵奉法不避是教令所行也光武乃貫之以為刺殺將軍謂諸將曰當備祭遵吾舍中見犯法尚殺之必不私諸卿也尋拜為偏將軍從平河北以功封列侯建武二年春拜征虜將軍定封潁陽侯與景丹朱祐王常王梁臧官等入箕關南擊宏農厭新柏華蠻中賊弩中遵口洞出流血眾見遵傷稍引退遵呼叱止之王卒戰皆自倍遂大破之時新城蠻中山賊張滿屯結險隘為人害詔遵攻之遵絕其糧道滿數挑戰遵堅壁不出而厭新柏華餘賊復與滿合遂攻得霍陽聚遵乃分兵擊破降之明年春張滿飢困城拔生獲斬之夷其妻子遵引兵南擊鄧奉弟終于杜衍破之時涿郡太守張豐執使者

舉兵反自稱無上大將軍與彭寵連兵四年遵與朱祐及耿弇劉喜俱擊之遵兵先至急攻豐豐功曹孟玄執豐降諸將皆引還遵受詔留屯良鄉拒彭寵因遣護軍傅元襲擊寵將李豪于潞大破之斬首千餘級相拒歲餘數挫其鋒黨與多降者及寵死遵進定其地六年春詔遵與耿弇蓋延王常馬武劉歆劉向等從天水伐公孫述師次長安時車駕亦至而隗囂不欲漢兵上隴辭說解故帝召諸將議皆曰可且延囂日月之期蓋封其將帥以消散之遵曰囂挾姦久矣今若按甲引時則使其詐謀益深而蜀警倍增固不如遂進帝從之乃遣遵爲前行隗囂使其將王元拒隴城遂進擊破之追至鞏關及諸將到與囂戰並敗引還下隴乃詔遣軍泝耿弇軍漆沮西大將軍馮異軍栒邑大司馬吳漢等還屯長安自是後遵數挫囂八年秋復從

氏姓譜

卷五三

十卦

祭氏

二

車駕上隴及囂破帝東歸過泃幸遵營勞饗士卒作黃門武樂良夜乃罷時遵有疾詔賜重茵覆以御蓋復令進屯隴下及公孫述遣兵救囂吳漢耿弇等悉奔還遵獨留不卻九年春卒于軍遵爲人廉約小心克己奉公嘗賜輒盡與士卒家無私財身衣草袴布被夫人裳不加緣帝以是重焉及卒愍悼之尤甚遵喪至河南縣詔遣百官先會喪所車駕素服臨之望哭哀慟還幸城門過其車騎涕泣不能已喪禮成復親祠以太牢如宣帝臨霍光故事詔大長秋謁者河南尹護喪事諡曰威侯既葬車駕復臨其墳其後會朝帝每歎曰安得憂國奉公之臣如祭征虜者乎遵之見思如此無子國除兄午官至酒泉太守從弟彤祭彤字次孫早孤以至孝見稱遇天下亂野無煙火而獨在家側每賊過見其尙幼而有志節皆奇而哀之光武初

以遵故拜彤爲黃門侍郎常在左右及遵卒無子帝追傷之以彤爲偃師長令近遵墳墓四時奉祠之彤有權畧視事五歲縣無盜賊課爲第一遷襄賁令時天下郡國尙未悉平襄賁盜賊白曰公行彤至誅破姦猾殄其支黨數年襄賁政清璽書勉勵增秩一等賜練百匹當是時匈奴鮮卑及赤山烏桓連和強盛數入塞殺畧吏人朝廷以爲憂益增緣邊兵郡有數千人及遣諸將分屯障塞帝以彤爲能建武十七年拜遼東太守至則勵兵馬廣斥候彤有勇力能貫三百斤弓虜每犯塞常爲士卒先鋒數破走之二十一年秋鮮卑萬餘騎寇遼東彤率數千人迎擊之自破甲陷陣虜大奔投水死者過半遂窮追出塞虜急皆棄兵裸身散走斬首三千餘級獲馬數千匹自是後鮮卑震怖畏彤不敢復闕塞彤以三虜連和卒爲邊害二十五年乃

氏姓譜

卷三

十卦

祭氏

三

使招呼鮮卑示以財利其太都護偏何遣使奉獻願得歸化彤慰納賞賜稍復親附其異種滿離高句驪之屬遂絡驛款塞上貂裘好馬帝輒倍其賞賜其後偏何邑落諸豪並歸義願自効彤曰審欲立功當歸擊匈奴斬送頭首乃信耳偏何等皆仰天指心曰必自効卽擊匈奴左伊秩訾部斬首二千餘級持頭詣郡其後歲歲相攻輒送首級受賞賜自是匈奴衰弱邊無寇警鮮卑烏桓並入朝貢彤爲人質厚重毅體貌絕衆撫夷狄以恩信皆畏而愛之故得其死力初赤山烏桓數犯上谷爲邊害詔書設購賞功責州郡不能禁彤乃率勵偏何遣往討之斬其魁帥持首詣彤彤之威聲暢于北方西自武威東盡元菟及樂浪胡夷皆來內附野無風塵乃悉罷緣邊屯兵十二年徵爲太僕彤在遼東幾三十年衣無兼副顯宗旣嘉其功又美彤清

約拜日賜錢百萬及馬三匹衣被刀劍下至居室什物大小無不悉備帝每見彤常歎息以爲可屬以重任後從東巡狩過魯坐孔子講堂顧指子路室謂左右曰此太僕之室太僕吾之禦侮也十六年使彤以太僕將萬餘騎與南單于左賢王信伐北匈奴期至涿邪山信初有嫌于彤行出高闕塞九百餘里得小山乃妄言以爲涿邪山彤到不見虜而還坐逗遛畏懦下獄免彤性沈毅內重自恨見詐無功出獄數日嘔血死臨終謂其子曰吾蒙國厚恩奉使不稱微績不立身死誠慙恨義不可以無功受賞死後若悉簿上所得賜物身自詣兵屯效死前行以副吾心既卒其子逢上疏具陳遺言帝雅重彤方更任用聞之大驚召問逢疾狀嗟嘆者良久焉烏桓鮮卑追思彤無已每朝賀京師常過家拜謁仰天號泣乃去遼東吏人爲立祠四時

奉祭焉

氏姓譜

卷三

十卦

祭氏

四

噲氏

音快姬姓燕王噲之後孝子傳有噲恭又有瓊氏同音

漢有瓊錢

歷代名賢

噲恭未詳何代寓居河內有單鶴哀鳴參撫視箭創甚重以膏藥摩之卽愈放去後一夜鶴雌雄二頭各銜一珠吐而去

蒯氏

風俗通晉大夫蒯得之後又有賈氏同音

歷代名賢

漢

蒯通范陽人也本與武帝同諱楚漢初起武臣略定趙地號武信君通說范陽令徐公曰臣范陽百姓蒯通也竊聞

公之將死故弔之雖然賀公得通而生也徐公再拜曰何以弔之通曰足下爲令十餘年矣殺人之父孤人之子斷人之足黥人之首甚衆慈父孝子所以不敢傳刃于公之腹者畏秦法也今天下大亂秦政不施然則慈父孝子將爭接刃于公之腹以復其怨而成其功名此通之所以弔者也曰何以賀得子而生也曰趙武信君不知通不肖使人候問其死生通且見武信君而說之曰必將戰勝而後畧地攻得而後下城臣竊以爲殆矣用臣之計毋戰而畧地不攻而下城傳檄而千里定可乎彼將曰何謂也臣因對曰范陽令宜整頓其士卒以守戰者也怯而畏死貪而好富貴故欲以其城先下君先下君而君不利則邊地之城皆將相告曰范陽令先降而身死必將嬰城固守皆爲金城湯池不可攻也爲君計者莫若以黃屋朱輪迎范陽

氏姓譜

卷三

十卦

贈氏至五

令使馳驚于燕趙之郊則邊城皆將相告曰范陽令先下而身富貴必相率而降猶如阪上走丸也此臣所謂傳檄而千里定者也徐公再拜具車馬遣通通遂以此說武臣武臣以車百乘騎二百侯印迎徐公燕趙聞之降者三十餘城如通策焉後漢將韓信虜魏王破趙代降燕定三國引兵將東擊齊未度平原聞漢王使酈食其說下齊信欲止通說信曰將軍受詔擊齊而漢獨發閒使下齊寧有詔止將軍乎何以得無行且酈生一士伏軾掉三寸舌下齊七十餘城將軍將數萬之衆迺下趙五十餘城爲將數歲反不如一豎儒之功乎于是信然之從其計遂度河齊已聽酈生卽留之縱酒罷備漢守禦信因襲歷下軍遂至臨菑齊王以酈生爲欺已而亨之因敗走信遂定齊地自立爲齊假王漢方困于滎陽遣張良卽立信爲齊王以安固

之項王亦遣武涉說信欲與連和蒯通知天下權在信欲
說信令背漢乃先微感信曰僕嘗受相人之術相君之面
不過封侯交危而不安相君之背貴而不可言信曰何謂
也通因請閒曰天下初作難也俊雄豪傑建號壹呼天下
之士雲合霧集魚鱗雜襲飄至風起當此之時憂在亡秦
而已今劉項分爭使人肝腦塗地流離中野不可勝數當
今之時兩主縣命足下足下爲漢則漢勝爲楚則楚勝臣
願披心腹墮肝膽效愚忠恐足下不能用也方今爲足下
計莫若兩利而俱存之三分天下開足而立其勢莫敢先
動夫以足下之賢聖有甲兵之衆據疆齊從燕趙出空虚
之地以制其後因民之欲西鄉爲百姓請命天下孰敢不
聽足下按齊國之故有淮泗之地懷諸侯以德深拱揖讓
則天下君王相率而朝齊矣蓋聞天與弗取反受其咎時

氏姓譜

卷三

十卦

蒯氏

六

至弗行反受其殃願足下孰圖之信曰漢遇我厚吾豈可
見利而背恩乎通曰始常山王成安君故相與爲刎頸之
交及爭張騫陳釋之事常山王奉頭鼠竄以歸漢王借兵
東下戰于鄗北成安君死于泚水之南頭足異處此二人
相與天下之至驩也而宰相滅亡者何也患生于多欲而
人心難測也今足下行忠信以交于漢王必不能固于二
君之相與也而事多出于張騫陳釋之事者故臣以爲足
下必漢王之不危足下過矣大夫種存亡越伯句踐立功
名而身死願足下深慮之信曰生且休矣吾將念之數日
通復說曰聽者事之候也計者存亡之機也夫隨廝養之
役者失萬乘之權守儋石之祿者闕卿相之位計誠知之
而決弗敢行者百事之禍也故猛虎之猶與不如蠶叢之
致蠱孟賁之狐疑不如童子之必至此言貴能行之也夫

功者難成而易敗時者難值而易失時乎時不再來願足下無疑臣之計信猶與不忍背漢又自以功多漢不奪我齊遂謝通通說不聽惶恐乃陽狂爲巫天下既定後信以罪廢爲淮陰侯謀反被誅臨死歎曰悔不用蒯通之言死于女子之手高帝曰是齊辯士蒯通迺詔齊召蒯通通至上欲烹之曰若教韓信反何也通曰狗各吠非其主當彼時臣獨知齊王韓信非知陛下也且秦失其鹿天下共逐之高材者先得天下匈匈爭欲爲陛下所爲顧力不能可殫誅邪上廼赦之至齊悼惠王時曹參爲相禮下賢人請通爲客初齊王田榮怨項羽謀舉兵畔之劫齊士不與者死齊處士東郭先生梁石君在劫中強從及田榮敗二人醜之相與入深山隱居客謂通曰先生之于曹相國拾遺舉過顯賢進能齊國莫若先生者先生知梁石君東郭先

氏姓譜

卷三

十卦

蒯氏

七

生世俗所不及何不進之于相國乎通曰諾臣之里婦與里之諸母相善也里婦夜亡肉姑以爲盜怒而逐之婦晨去過所善諸母語以事而謝之里母曰女安行我今令而家追女矣卽束緼請火于亡肉家曰昨暮夜犬得肉爭鬪相殺請火治之亡肉家遽追呼其婦故里母非談說之士也束緼乞火非還婦之道也然物有相感事有適可臣請乞火于曹相國迺見相國曰婦人有夫死三日而嫁者有幽居守寡不出門者足下卽欲求婦何取曰取不嫁者通曰然則求臣亦猶是也彼東郭先生梁石君齊之俊士也隱居不嫁未嘗卑節下意以求仕也願足下使人禮之曹相國曰敬受命皆以爲上賓通論戰國時說士權變亦自序其說凡八十一首號曰雋永

蒯越逼之後也深中足智魁傑有雄姿大將軍何進聞其名辟爲東曹掾越勸進誅諸關管進猶豫不決越知進必敗求出爲汝陽令佐劉表平定境內表得以疆大詔書拜章陵太守封樊亭侯荊州平曹操與荀彧書曰不喜得荊州喜得蒯異度耳建安十九年卒臨終與操書託以門戶操報書曰死者反生生者不愧孤少所舉行之多矣魂而有靈亦將聞孤此言也

南北

蒯恩字道恩蘭陵承人也宋高祖征孫恩縣差恩伐馬芻恩常負大束兼倍餘人每捨芻于地歎曰大丈夫彎弓三石奈何充馬士高祖聞之卽給器仗自征妖賊常爲先登膽力過人甚見愛信于婁縣戰箭中右目從平京城進定京邑以軍功封都鄉侯從伐廣固破盧循隨劉藩追斬徐

氏姓譜

卷三

十卦

蒯氏

八

道覆與王鎮惡襲江陵隨朱齡石伐蜀又從高祖伐司馬休之自從征討凡百餘戰身被重瘡高祖錄其前後功封新寧縣男高祖北伐留恩侍衛世子命朝士與之交恩益自謙損與人語常呼位官自稱鄙人撫待士卒甚有恩紀世子開府又爲從事中郎再遷爲司馬後入關迎桂陽公義真沒于赫連勃勃傳國至孫無子國除

宋

蒯鼈宣城人少孤貧篤志子學善屬文以廉直自勵一介不于于人太宗時擢進士第歷茶陵令以殿中丞致仕隱

于廬山

介氏

晉有介之推吳有方士介象又春秋有介葛盧介國名

搜神記吳介踐

介之推晉文公之微臣也初從文公出亡公入賞從亡者推不言祿祿亦弗及推曰獻公之子九人唯君在矣惠懷無親外內棄之天未絕晉必將有主主晉祀者非君而誰天實置之而二三子以爲己力不亦誣乎竊人之財猶謂之盜况貪天之功以爲己力乎下義其罪上賞其姦上下相蒙難與處矣其母曰盍亦求之以死誰對曰尤而效之罪又甚焉且出怨言不食其食其母曰亦使知之若何對曰言身之文也身將隱焉用文之是求顯也其母曰能如是乎與女偕隱遂隱而死公求之不獲以縣之田曰以志吾過且旌善人

氏姓譜

卷皇

十卦

介氏至九

戒氏

九

介象字元則會稽人有諸方術吳主聞之徵象到武昌甚敬貴之稱爲介君爲起宅以御帳給之賜遺前後累千金從象學蔽行之術試還後宮及出殿門莫有見者又使象作變化種瓜菜百果皆立生可食吳主共論鱸魚何者最美象曰鱸魚爲上吳主曰論近道魚耳此出海中安可得邪象曰可得耳乃令人于殿庭中作方塹汲水滿之并求鉤象起鉞之垂綸于塹中須臾果得鱸魚吳主驚喜問象曰可食不象曰故爲陛下取以作生鱸安敢取不可食之物乃使厨下切之吳主曰聞蜀使來得蜀薑作齏甚好恨爾時無此象曰蜀薑豈不易得願差所使者可付值吳主指左右一人以錢五千付之象書一符以著青竹杖中使行人閉目騎杖杖止便買薑訖復閉目此人承其言騎杖須臾止已至成都不知是何處問人人言是蜀市中乃買

薑于時吳使張溫先在蜀既于市中相識甚驚便作書寄其家此人買薑畢捉書負薑騎杖閉目須臾已還到吳厨下切鱸適了其神驗如此

拜氏見姓苑

賈氏

畫氏

槩氏

敗氏

邁氏明邁文麟慈利人

贈氏晉瓊錢

戒氏以上俱見姓譜

云尊

戴氏

出自子姓宋戴公之孫以祖父謚為氏至漢信都太傅戴德世居魏郡斥邱裔孫景珍又按通志開封封邱縣戴城是其國隱十年鄭人伐取之或云舊考城縣是為

氏姓譜

卷三

十一

戴氏

十

宋人所滅改名穀城子孫以國為氏又宋戴公之後亦為戴氏是以國為氏者望出廣陵清河

歷代名賢

戴

戴德字延君梁人與從兄子聖字次君俱受禮于東海后倉德號大戴官信都王太傅聖號小戴以博士論石渠至九江太守由是禮有大戴小戴之學大戴授琅邪徐良旂卿為博士州牧郡守家世傳業小戴授梁人橋仁季卿楊榮子孫仁為大鴻臚家世傳業榮琅邪太守由是大戴有徐氏小戴有橋楊氏之學

戴憑字次仲汝南平輿人也習京氏易年十六郡舉明經徵試博士拜郎中時詔公卿大會羣臣皆就席憑獨立光武問其意憑對曰博士說經皆不如臣而坐居臣上是以

不得就席帝卽召上殿合與諸儒難說憑多所解釋帝善之拜爲侍中數進見問得失帝謂憑曰侍中當匡補國政勿有隱情憑對曰陛下嚴帝曰朕何用嚴憑曰伏見前太尉西曹掾蔣遵清亮忠孝學通古今陛下納膚受之訴遂致禁錮世以是爲嚴帝怒曰汝南子欲復黨乎憑出自繫廷尉有詔勅出後復引見憑謝曰臣無謬謬之節而有狂瞽之言不能以尸伏諫偷生苟活誠慙聖朝帝卽勅尙書解遵禁錮拜憑虎賁中郎將以侍中兼領之正旦朝賀百僚畢會帝合羣臣能說經者更相難詰義有不通輒奪其席以益通者憑遂重坐五十餘席故京師爲之語曰解經不窮戴侍中在職十八年卒于官詔賜東園梓器錢甘萬戴封字平仲濟北剛人也年十五詣太學師事鄧合東海申君申君卒送喪到東海道當經其家父母以封當還豫

氏姓譜

卷三

十一

戴氏

十一

爲娶妻封暫過拜親不宿而去還京師卒業時同學石敬平溫病卒封養視殯歛以所齋糧市小棺送喪到家家更歛見敬平生時善物皆在棺中乃大異之封後遇賊財物悉被略奪唯餘練七匹賊不知處封乃追以與之曰知諸君乏故送相遺賊驚曰此賢人也盡還其器物後舉孝廉光祿主事遭伯父喪去官詔書求賢良方正直言之士有至符能消災伏異者公卿郡守各舉一人郡及大司農俱舉封公車徵陛見對策第一擢拜議郎遷西華令時汝穎有蝗災獨不入西華界時督郵行縣蝗忽大至督郵其日卽去蝗亦頓除一境奇之其年大旱封禱請無獲乃積薪坐其上以自焚火起而大雨暴至于是遠近歎服遷中山相時諸縣囚四百餘人辭狀已定當行刑封哀之皆遣歸家與尅期日皆無違者詔書策美焉永元十二年徵拜太

常卒官

戴就字景成會稽上虞人也仕郡倉曹掾揚州刺史歐陽參奏太守成公浮臧罪遣部從事薛安案倉庫簿領收就于錢塘縣獄幽囚考掠五毒參至就慷慨直辭色不變容又燒銀斧使就挾于肘腋就語獄卒可熟燒斧勿合冷每上彭考因止飯食不肯下肉焦毀墮地者掇而食之主者窮竭酷慘無復餘方乃卧就覆舩下以馬通薰之一夜二日皆謂已死發舩視之就方張眼大罵曰何不益火而使滅絕又復燒地以大鍼刺指爪中使以把土爪悉墮落主者以狀白安安呼見就謂曰太守罪穢狼籍受命考實君何故以骨肉扞扞邪就據地答言太守剖符大臣當以死報國卿雖銜命固宜申斷寃毒奈何誣枉忠良強相掠理令臣謗其君子證其父薛安庸駭忸行無義就考死之日

氏姓譜

卷三

十一隊

戴氏

十一

當白之于天與羣鬼殺汝于亭中如蒙生全當手刃相裂安深奇其壯節卽解械更與美談表其言辭解釋郡事徵浮還京師免歸鄉里太守劉寵舉就孝廉光祿主事病卒戴良字叔鸞汝陽慎陽人也曾祖父遵字子高平帝時爲侍御史玉莽篡位稱病歸鄉里家富裕好給施尚俠氣食客常三四百人時人爲之語曰關東大豪戴子高良少誕節母意驢鳴良嘗學之以娛樂焉及母卒兄伯鸞居廬啜粥非禮不行良獨食肉飲酒哀至乃哭而二人俱有毀容或問良曰子之居喪禮乎良曰然禮所以制情佚也情苟不佚何禮之論夫食旨不甘故致毀容之實若味不存口食之可也論者不能奪之良才既高達而論議尙奇多駭流俗同郡謝季孝問曰子自視天下孰爲可比良曰我若仲尼長東魯大禹出西羌獨步天下誰與爲偶舉孝廉不戴

再辟司空府彌年不到州郡迫之乃遜辭詣府悉將妻子
既行在道因逃入江夏山中優游不仕以壽終初良五女
並賢每有求姻輒便許嫁疎裳布被竹筍木屐以遣之五
女能遵其訓皆有隱者之風焉

晉

戴若思廣陵人也名犯高祖廟諱祖烈吳左將軍父昌會
稽太守若思有風儀性閑爽少好遊俠不拘操行遇陸機
於洛船裝甚盛遂與其徒掠之若思登岸據胡牀指麾同
旅皆得其宜機察見之知非常人在舫屋上遙謂之曰卿
才器如此乃復作劫邪若思感悟因流涕投劔就之機與
言深加賞異遂與定交焉若思後舉孝廉入洛機薦之于
趙王倫倫乃辟之除沁水令不就遂往武陵省父時同郡
人潘京素有理鑒名知人其父遣若思就京與語既而稱

長姓譜

卷三

十一

戴氏

十一

若思有公輔之才累轉東海王越軍諮祭酒出補豫章太
守加振威將軍領義軍都督以討賊有功賜爵秣陵侯遷
治書侍御史驃騎司馬拜散騎侍郎元帝召爲鎮東右司
馬將征杜弼加若思前將軍未發而弼滅帝爲晉王以爲
尙書中興建爲中護軍轉護軍將軍尙書僕射皆辭不拜
出爲征西將軍都督兗豫幽冀雍并六州諸軍事假節加
散騎常侍發投刺王官千人爲軍吏調揚州百姓家奴萬
人爲兵配之以散騎常侍王遐爲軍司鎮壽陽與劉隗同
出帝親幸其營勞免將士臨發祖饒置酒賦詩若思至合
肥而王敦舉兵詔追若思還鎮京都進驃騎將軍與右衛
將軍郭逸哭道築壘于大桁之北尋而石頭失守若思與
諸軍攻石頭王師敗績若思率麾下百餘人赴宮受詔與
公卿百官于石頭見敦敦問若思曰前日之戰有餘力乎

若思不謝而答曰豈敢有餘但力不足耳又曰吾此舉動天下以爲何如若思曰見形者謂之逆體誠者謂之忠敦笑曰卿可謂能言敦參軍呂猗昔爲臺郎有刁筆才性尤姦諂若思爲尙書惡其爲人猶亦深憾焉至是乃說敦曰周顛戴若思皆有高名足以惑衆近者之言曾無愧色公若不除恐有再舉之患爲將來之憂耳敦以爲然又素忌之俄而遣鄧嶽繆坦收若思而害之若思素有重望四海之士莫不痛惜焉賊平冊贈右光祿大夫諡曰簡

戴逵字安道譙國人也少博學好談論善屬文能鼓琴工書畫其餘巧藝靡不畢踪總角時以雞卵汁溲白瓦屑作鄭元碑又爲文而自鐫之詞麗器妙時人莫不驚歎性不樂當世常以琴書自娛師事術士范宣于豫章宣異之以兄女妻焉太宰武陵王晞聞其善鼓琴使人召之逵對使

氏姓譜

卷三

士族

戴氏

古

者破琴曰戴安道不爲黃門伶人晞怒乃更引其兄述述聞命欣然擁琴而往逵後徙居會稽之剡縣性高潔常以禮度自處深以放逵爲非道乃著論以自况孝武帝時以散騎常侍國子博士累徵辭父疾不就郡縣敦逼不已乃逃于吳吳國內史王琯有別館在武邱山逵潛詣之與琯游處積旬會稽內史謝元慮逵遠遜不反乃上疏曰伏見譙國戴逵希心俗表不嬰世務棲遲衡門與琴書爲友雖策命屢加幽操不回超然絕跡自求其志且年垂耳順常抱羸疾時或失適轉至委篤今王命未回將離風霜之患陛下旣已愛而器之亦宜使其身名並存請絕其召命疏奏帝許之逵復還剡後王琯爲尙書僕射上疏復請徵爲國子祭酒加散騎常侍徵之復不至太元二十年皇太子始出東宮太子太傅會稽王道子少傅王雅詹事王珣又

上疏曰遠執操貞厲含味獨游年在耆老清風彌劬東宮
虛德式延事外宜加旌命以參僚侍遠既重幽居之操必
以難進爲美宜下所在備禮發遣會病卒長子勃有父風
義熙初以散騎常侍徵不起尋卒

戴洋字國流吳興長城人也年十二遇病死五日而蘇說
死時天使其爲酒藏吏授符錄給吏從幡麾將上蓬萊岷
嶺積石太室恒廬衡等諸山旣而遣歸逢一老父謂之曰
汝後當得道爲貴人所識及長遂善風角爲人短陋無風
望然好道術妙解占候卜數吳末爲臺吏知吳將亡託病
不仕及吳平還鄉里後行至潁鄉經老子祠皆是洋昔死
時所見使處但不復見昔物耳因問守藏廳鳳曰去二十
餘年嘗有人乘馬東行過老君而不下馬未達橋墜馬死
者不鳳言有之所問之事多與洋同人嘗問吉凶休咎無

氏姓譜

卷三

十一隊 戴氏

五

不驗卒年八十餘所占驗者不可勝紀

戴邈字望之若思弟也少好學尤精漢史才不逮若思儒
博過之弱冠舉秀才尋遷太子洗馬出補西陽內史永嘉
中元帝版行邵陵內史丞相軍諮祭酒出爲征南軍司于
時凡百草創學校未立邈上疏謂宜以三時之隙漸就修
建疏奏納焉于是始修禮學代劉隗爲丹陽尹王敦作逆
加左將軍及敦得志而若思遇害邈坐免官敦誅後拜尙
書僕射卒官贈衛將軍諡曰穆子謚嗣

南北

戴顓字仲若達子也年十六遭父憂箴于毀滅因此長抱
羸患以父不仕復修其業父善琴書顓並傳之凡諸音律
皆能揮手會稽剡縣多名山故世居剡下顓及兄勃並受
琴于父父沒所傳之聲不忍復奏各造新弄勃制五部顓

制十五部。願又制長弄一部。並傳于世。中書令王綬嘗攜
客造之。勃等方進豆粥。綬曰。聞卿善琴。試欲一聽。不答。綬
恨而去。桐廬縣又多名山。兄弟復共遊之。因留居。止勃疾
。患醫藥不給。願謂勃曰。願隨兄得閑。非有心于語。默兄今
疾篤。無可營療。願當干祿以自濟耳。乃求海虞令。事垂行
而勃卒。乃止。桐廬僻遠。難以養疾。乃出居吳下。吳下士人
共爲築室。聚石引水。植林開澗。少時繁密。有若自然。乃述
莊周大旨。著逍遙論。注禮記中庸篇。三吳將守及郡內衣
冠。要其同遊野澤。堪行便去。不爲矯介。衆論以此多之。宋
國初建元嘉中。徵並不。起衡陽王義季鎮京口。長史張邵
與願姻通。迎來止黃鵠山。山北有竹林。精舍林澗甚美。願
憇于此。澗義季函從之。遊願服其野服。不改常度。爲義季
鼓琴。並新聲變曲。其三調遊絃。廣陵止息之流。皆與世異。

氏姓譜

卷三

十一隊

戴氏

六

太祖每欲見之。嘗謂黃門侍郎張敷曰。吾東巡之日。當讌
戴公山下也。以其好音長給。正聲伎一部。願合何嘗白鵲
三聲。以爲一調。號爲清曠。自漢世始有佛像形制。未工。遠
特善其事。願亦參焉。宋世子鑄。丈六銅像于瓦官寺。旣成
面恨瘦。工人不能改。乃迎願看之。願曰。非面瘦。乃臂脚肥
耳及減臂。胛瘦患。卽除無不。歎服。十八年卒。時年六十四
。無子。景陽山成。彼已亡矣。上歎曰。恨不得使戴願觀之。

戴僧靜。會稽永興人也。少有膽力。便弓馬。事刺史沈文秀。
俱被魏虜。後將家屬。叛還淮陰。齊高帝撫畜之。常在左右。
僧靜于都私齎錦。出事發。繫南兖州獄。高帝遣薛淵餽僧
靜酒食。以刀子置魚腹中。僧靜與獄吏飲酒。旣醉。以刀刻
械手。自折鎖。發屋而出。歸高帝。帝匿之齋內。以其家貧。年
給穀。斛虜圍甬城。遣僧靜戰。盪數捷。補帳內軍主。隨還。

京師勲階至積射將軍羽林監沈攸之事起高帝人朝堂
僧靜爲軍主從袁粲據石頭高帝遣僧靜將腹心先至石
頭時蘇烈據倉城門僧靜射書與烈夜絕入城粲登城西
南門烈燭火坐臺軍至射之火乃滅回登東門其黨孫曇
璠驍勇善戰每盪一合輒大被傷官軍死者百餘人軍主
王天生殊死拒戰故得相持自亥至丑有流星赤色照地
墜城中僧靜率力攻倉門手斬粲于東門外軍燒門入以
功除前軍將軍寧朔將軍高帝卽位封建昌侯位太子左
衛率武帝踐阼出爲北徐州刺史買牛給貧民令耕種甚
得荒情後除南中郎司馬淮南太守永明八年巴東王子
響殺僚佐武帝召僧靜使領軍向江陵僧靜面啟上曰巴
東王年少長史司馬捉之太急急不思難故耳天子兒過
誤殺人有何罪合忽遣軍西上人情惶懼無所不至僧靜
不敢奉敕上不答而心善之徙爲廬陵王中軍司馬高平
太守九年卒詔賻錢五萬布百疋諡壯侯

唐

戴胄

字元脩相州安陽人

士隊

戴氏

七

性堅正幹局明彊善簿最隋末
爲門下錄事納言蘇威黃門侍郎裴矩厚禮之爲越王侗
給事卽王世充謀篡胄說曰君臣大分均父子休戚同之
公當社稷之任與存與亡正在今日願尊輔王室擬伊周
以幸天下世充詭曰善俄脅九錫胄又切諫不納出爲鄭
州長史使與王行本守武牢秦王攻拔之引爲府士曹參
軍封武昌縣男大理少卿缺太宗曰大理人命所繫胄清
直其人哉卽日命胄長孫无忌被召不解佩刀入東上閣
尙書右僕射封德彝論監門校尉不覺罪死當无忌贖胄
曰校尉與无忌罪均臣子于尊極不稱誤法著御湯劑飲

食舟船雖誤皆死陛下錄无忌功原之可也若罰无忌殺校尉不可謂刑帝曰法爲天下公朕安得阿親戚詔復議德彝固執帝將可胄曰不然校尉緣无忌以致罪法當輕若皆誤不得獨死繇是與校尉皆免時選者盛集有諛資蔭冒牒取調者詔許自首不首罪當死俄有詐得者獄具胄以法當流帝曰朕詔不首者死而今當流是示天下不以信卿責獄邪胄曰陛下登殺之非臣所及旣屬臣敢虧法乎帝曰卿自守法而使我失信奈何胄曰法者布大信于人言乃一時喜怒所發陛下以一朝忿將殺之旣知不可而寘于法此忍小忿存大信也若阿忝違信臣爲陛下惜之帝大感寤從其言胄犯顏據正數矣參處法意至析秋毫隨類指擿言若泉湧帝益重之遷尙書左丞於其貧特詔賜錢十萬會僕射蕭瑀免封德彝卒帝謂胄曰尙書

氏姓譜

卷三

十一家 戴氏

六

總國綱維失一事天下有受其弊者今以令僕委卿宜副朕舉胄明敏長于操決無宿疑議者美其振職謂武德以來始無其輩復拜諫議大夫與魏徵更日供奉進民部尙書杜如晦遣言請以選舉委胄由是檢校吏部尙書貞觀四年以本官參豫朝政進爵郡公帝將修復洛陽宮胄上疏帝覽奏罷役胄所敷內緣政得失咸有可觀奏已卽削橐祕外莫知帝嘗謂左右曰胄於我非肺腑親然事之機切無不聞惟其忠槩所激耳七年卒帝爲舉哀贈尙書右僕射追封道國公諡曰忠以第舍陋不容祭詔有司爲立廟聘其女爲道王妃房元齡魏徵與胄善每至生平故處輒流涕胄無子以兄子至德爲後

戴至德乾封中累遷西臺侍郎同東西臺三品闕十數年父子繼爲宰相世訖其榮高宗嘗爲飛帛書賜侍臣賜至

德曰汎洪源侯舟揖郝處俊曰飛九霄假六翮李敬元曰
資敵沃磬丹誠崔知悌曰竭忠節贊皇猷皆見意于辭云
遷尙書右僕射時劉仁軌爲左人有所訴率優容之至德
乃詰究本末理直者密爲奏終不顯私恩由是當時多稱
仁軌者號仁軌爲解事僕射嘗更日聽訟有姬詣省至德
已收牒姬乃復取曰初以爲解事僕射今乃非是至德笑
還之人伏其長者或以問至德答曰慶賞刑罰人主之柄
爲臣豈得與人主爭也帝知歎美之儀鳳四年卒詔百官
哭其第贈開府儀同三司并州大都督諡曰恭

戴木頰字休顏夏州人家世尙武志膽不常郭子儀引爲
大將論平党項羌以安河曲試太常卿封濟陰郡公進封
咸寧郡王兼朔方節度副使城邠州功最遷鹽州刺史朱
泚反率兵三千晝夜馳奔問行在德宗嘉之賜實戶二百
氏姓譜

卷三

十一隊

戴氏

九

與渾瑊杜希全韓游瓌等扞禦有勞帝進狩梁洋留守奉
天李懷光屯咸陽使人誘之休顏斬其使勒兵自守懷光
貽駭自涇陽夜走遷檢校工部尙書奉天行營節度使合
渾瑊兵破泚偏師斬首三千級追至中渭橋京師平又與
瑊率兵趨岐陽邀泚殘黨加檢校尙書右僕射進戶四百
從乘輿至京師賜女樂甲第拜左龍武軍統軍卒贈揚州
大都督

戴元益桐廬人五世同居家有紫薇木連理刺史以聞咸
通中詔旌表其門

戴簡長沙人以文行累爲連帥所賓禮貢之澤宮而志不
願仕好孔氏書旁及莊宅莫不總統嘗有堂因東城爲池
環之九重游覽之勝于是爲最柳宗元作記

宋

戴興雍邱人父延正兒進皆力田興自幼以勇力聞及長
身長七尺美髭髯眉目如畫詣晉邸求見奇之留帳下卽
位補御馬左直遷直長轉御龍直副指揮使征太原先登
中流矢補弓箭直都虞候父亦授諸衛將軍進天武軍使
興領嚴州刺史改天武左廂都指揮勝州團練使雍熙三
年爲侍衛步軍都虞候雲州防禦使契丹擾邊命興屯遼
州以備非常改本州觀察使充天雄軍副都部署端拱初
遷步軍都指揮使領鎮武軍節度使賜襲衣金帶鞍馬歷
澶州都部署殿前副都指揮使出帥鎮定二州時盜賊羣
起五巡檢兵討之不克興陰勒所部潛出擊之擒戮殆盡
未幾徙高陽關遷殿前都指揮使改節定國軍賜白金歲
給錢七百萬淳化五年又改定武軍加給錢千萬西北未
平徙夏州路行營都部署知州事從五路討李繼遷深入

氏姓譜

卷三

十隊

戴氏

三

不見賊聞帝崩急赴國哀坐擅離所部左遷領軍衛上將
軍咸平初兼判左金吾街仗出知京兆府卒贈太尉遣中
使護喪歸塋錄其子永和永豐

戴溪字肖望少有文名淳熙五年省試第一監潭州南嶽
廟紹熙初主管吏部架閣文字除太學錄兼實錄院檢討
官正錄兼史職自溪始升博士通判慶元府改宗正簿累
遷兵部郎官奏兩淮當立農官若漢稻田使者括閑田諭
民主出財客出力主客均利以爲救農之策符離師潰溪
奏沿邊忠義人及湖南北鹽商皆當區畫以銷後患會和
議成命奏議張巖京口軍事數月召爲資善堂說書由禮
部郎中六轉爲太子詹事兼秘書監景獻太子命講中庸
大學溪辭以非詹事職懼侵官太子白講退便服說書甚
公禮毋嫌也復命類易詩書春秋論語孟子資治通鑑各

爲說以進權工部尚書歷華文龍圖二閣學士嘉定八年
以宣奉大夫致仕卒贈特進端明殿學士謚文端溪于宮
僚中以微婉受知然立朝建明多務秘密或議其殊乏骨
鯁云

戴之邵字才美安福人紹興間金人南下京西招討使吳
珙以書招之充忠義軍統制給器甲五千之邵植旂南門
外以募忠義日赴者千人遂分五軍與敵屢戰屢勝自鄭
州入西京朝謁諸陵別置永安軍差官供奉諸陵分遣陳
孝恭等收復鄭州密縣等處金人來攻之邵移兵嵩山深
谷中設伏敗之還至襄陽珙勞于郊欽功不受竟歸鹿門
孝宗時特改京官以刑部員外郎將漕西京卒

戴師愈號王谿子星子人博學強記撫廬山古今人物著
列傳十三卷又作麻衣易後登隆興進士授湘陰簿

氏姓譜

卷三

十一隊

戴氏

二

戴羽德安人隱居積學徵辟皆不就著武侯通傳三卷史
評一卷虞道園爲之序

戴松字桂之弟檜字寬甫父稠婺州人爲饒州刺史因占
籍鄱陽松中童子科進士官正字檜未仕稠病革謂松曰
爾幸食祿王家念爾弟幼且貧所有田廬悉以畀之父沒
松以田宅遜弟檜弗受彼此交讓各棲別館事聞命有司
建禮遜坊以旌其義

戴享臨海人教人以毋自欺爲第一義嘗銘于座右曰莫見
乎隱莫顯乎微欲人不知莫若弗爲自號蠹物有太極圖
說人心道心說近思錄補註

戴融天聖中知歸安縣未暮大治先是邑人困于茶賦融
乃第戶豐乏而均之以絕追補之苦又澤居者不務力穡
融教之業農遂有恒產鄉民立祠祀之

戴延壽頌之子善書延壽好學山陰有陳載者家富有錢三千萬鄉人云戴頌兒敵陳載三千萬錢

元

戴表元字帥初慶元奉化州人七歲學古詩文多奇語稍長從里師習詞賦輒棄不肯為登咸淳中乙科閱宋末文氣萎蕪而辭骯髒慨然以起衰為己任時四明王應麟天台舒岳祥並以文名海內表元皆從而受業故其學博而肆其文清深雅潔蓄而始發間事摹畫而隅角不露東南文章大家必推首焉成宗大德八年除信州教授再調婺州時年六十餘矣以疾辭其後翰林集賢復以修撰博士交薦不起有剡源集行世

戴良齊字彥肅台州人精通六經奧義謂當今經書雖皆完具而禮經獨為殘闕加以漢儒諸說多有不純著禮辨

氏姓譜

卷五

十一隊

戴氏

三

一書特出已見攷證獨為明確吳徵常師之以衍其說

戴良字叔能浦江人少事舉子業尋棄去專心博古學文于柳貫黃潛學詩于余闕皆得其師承至正中以薦授江北儒學提舉而浙東已陷乃避地吳中久之黎家泛東海渡黑水憇登萊本間行歸值道梗不得達僑寓昌樂數載訪求齊魯間豪傑奮欲有為而卒無所遇晚年南還變姓名隱九靈山下有九靈山人集三十卷

明

戴德彝奉化人洪武二十七年進士累官侍講太祖諭之曰翰林雖職文學然既列禁近凡國家政治得失民生利害當知無不言昔唐陸贄崔羣李絳在翰林皆能正言讜論補益當時汝宜以古人自期已改監察御史建文時改左拾遺燕王入召見不屈死之德彝死時兄弟並從京師

戴頂家居聞變度禍且族令闔舍逃去匿德彝二子山南
毀戴氏族譜獨身留家收者至無所得械項至京撈掠終
無一言戴族獲全

戴珊字廷珍浮梁人父暉由鄉舉官嘉興教授有學行富
人數輩遣其奴子入學暉不可賄上官強之執愈堅見性
坐他事去珊幼嗜學天順末與劉大夏同舉進士久之擢
御史督南畿學政成化十四年遷陝西副使仍督學政正
身率教士皆愛慕之歷浙江按察使福建左右布政使終
任不攜一土物宏治二年以王恕薦擢右副都御史撫治
鄖陽蜀盜野王剛流劫竹山平利珊合川陝兵檄副使朱
漢等討擒其魁餘皆以脅從論全活甚衆入歷刑部左右
侍郎與尚書何喬新彭韶共事晉府寧化王鍾錮淫虐不
孝勘不得實再遣珊等勘之遂奪爵禁錮進南京刑部尚

氏姓譜

卷三

十一隊 戴氏

三

書久之召爲左都御史十七年考察京官珊廉介不苟舍
給事中吳舜王蓋自疑見黜連疏詆吏部尚書馬文升並
言珊縱妻子納賄珊等乞罷帝慰留之御史馮允中等言
文升珊歷事累朝清德素著不可因浮詞廢計典乃下舜
蓋詔獄命文升珊卽舉察事珊等言兩人逆討當黜故先
劾臣等今黜之彼必曰是挾私也苟避不黜則負委任而
使詐諛者得志帝命上兩人事蹟皆黜之已劉健等因召
對力言蓋罪輕宜調用帝方嚮用文升珊卒不納帝晚年
召對大臣珊與大夏造膝宴見尤數一日與大夏侍坐帝
曰時當述職諸大臣皆杜門如二卿者雖日見客何害補
出白金賚之曰少佐而廉且屬勿廷謝曰恐爲他人忌
珊以老疾數求退輒優詔勉留遣醫賜食慰諭有加珊感
激泣下私語大夏曰珊老病子幼恐一旦先朝露公同

好友何惜一言乎大夏曰唯唯後大夏燕對畢帝問珊病狀言珊實病乞憫憐聽其歸帝曰彼屬卿言耶主人留客堅客則強留珊獨不能爲朕留耶且朕以天下事付卿輩猶家人父子今大平未兆何忍言歸大夏出以告珊珊泣曰臣死是官矣帝既崩珊以新君嗣位不忍言去力疾視事疾作遂卒贈太子太保諡恭簡

戴銑字寶之婺源人宏治九年進士改庶吉士授兵科給事中數有建白久之以便養調南京兵科武宗嗣位偕同官請敕六科檢詳宏治間所行進賢退奸節財訓兵重祀慎刑救災恤困諸大政備錄進覽凡裁決機務悉以爲準報聞踰月言四方歲辦多非土產勞費滋甚宜蠲其所無又請勤御經筵俾密勿大臣從容獻納旣乃與給事中李光翰徐蕃收相任惠徐暹及御史薄彥徽等連章奏留劉健謝遷且劾中官高鳳帝怒逮繫詔獄廷杖除名銑劓甚遂卒世宗立追贈光祿少卿

氏姓譜

卷三

十隊

戴氏

四

戴冠信陽人正德三年進士爲戶部主事見寵倖日多廩祿多耗乃上疏極諫疏入帝大怒貶廣東烏石驛丞嘉靖初起官歷山東提學副使以清介聞

戴思恭字原禮浦江人以字行受學于義烏朱震亨震亨師金華許謙得朱子之傳又學醫于宋內侍錢塘羅知悌知悌得之荆山浮屠浮屠則河間劉守真門人也震亨醫學大行時稱爲丹溪先生愛思恭才敏盡以醫術授之洪武中徵爲御醫所療治立效太祖愛重之燕王患癩太祖遣思恭往治見他醫所用藥良是念何以不效乃問王何嗜曰嗜生芹思恭曰得之矣投一劑夜暴下皆細蝗也晉王疾思恭療之愈已復發卽卒太祖怒逮治王府諸醫思

恭從容進曰臣前奉命視王疾啟王曰今卽愈但壽在膏
盲恐復作不可療也今果然矣諸醫由是免死思恭時已
老風雨輒免朝太祖不豫少間出御右順門治諸醫侍疾
無狀者獨慰思恭曰汝仁義人也毋恐已而太祖崩太孫
嗣位罪諸醫獨擢思恭太醫院使永樂初以年老乞歸三
年夏復徵入免其拜特召乃進見其年冬復乞骸骨遣官
護送賚金幣踰月而卒年八十有二遣行人致祭所著有
證治要訣證治類元類證用藥諸書皆彙括丹溪之旨又
訂正丹溪金匱鉤元三卷附以己意人謂無愧其師云
戴尙志蕭山人萬歷中以刑部郎出知瑞州府實政愛民
無勾攝之擾無留滯之獄高安苦兌運且有賣產鬻妻子
者尙志與知縣田一甲議爲官兌乃令糧簿先期排定船
隻民運至舟官押赴省闔邑免累至今誦之陞雲南副使

氏姓譜

卷三

十一隊

戴氏

二五

田一甲以進士知高安四川忠州人

戴德孺字子良臨海人宏治進士歷工部員外郎遷臨江
知府宸濠反遣使收府印德孺斬之與家人誓曰吾死守
孤城脫有急若輩沉池中吾不負國也卽日戒嚴與都御
史王守仁共滅宸濠以憂去世宗以德孺馭軍最整獨增
三秩爲雲南右布政使舟次徐州覆水死後贈光祿寺卿
予一子官

戴瑋字仲才浮梁人從吳仲迂游避居講學明初累薦不
起時定賦役法浮梁獨重于他邑瑋上章亟言得與他邑
均邑民至今賴之所著有東山集

戴弁字士章浮梁人領鄉薦訓導崇陽召拜兵科給事中
奉旨行邊陞陝西叅議城迭烈以禦寇衝屯張掖以助軍
餉進湖廣叅政調廣東適廉雷諸郡徭徭梗化挺身出諭

之曰我戴泰政也爾輩何敢冒死爲此賊羅拜而退廣州
被圍乏食亟發廩賑之募敢死士焚其攻具遣使間道引
援兵入卒平之進布政使丁內艱詔奪情視事以疾乞歸
戴疏字廷節浮梁人景泰鄉薦授監察御史劾罷巡江不
職二重臣又疏論南京大臣考察僚屬任情取舍出知紹
興府首濬范文正公清白泉以勵僚屬次第新郡邑學宮
增祀鄉賢獨黜虞世南埋蘭亭石刻葺會稽宋諸陵置典
守洒掃水旱歲饑奏蠲民上供再饑奏蠲三之一築堤數
十萬丈捍海得田四萬餘畝民稱戴公堤又築橫塘壩而
斥鹵地多可田建拓林等處七閘立石刻木示民時啟閉
蓄洩去日民扳號塞道擢廣西左叅政疾劇乞歸

戴安字伯寧永豐人洪武舉人高才博學有用世之志三
應徵辟所陳奏皆國家至計上多採納然皆以親老乞身
終養十三年復召授御史臺都事改翰林典籍復建言十
二事改廣東海北提舉卒于官

戴九元字大圓新昌人萬歷進士歷知棗強臨安會稽文
安四縣陞工部員外尋歸杜門吟詠所著有工部稟匡山
社集酒人游饑驅草陸沉集落花吟十餘種天啟中給事
魏大中忤逆璫斃詔獄者卽九元所取士也卒祀鄉賢
戴鱉有岸友趙宣家貧不克塋親以所卜南郊壽域與之
又有范瓚以所居室質錢期滿當徙鱉慰然留之曰吾寧
不得居必不使汝老而無歸也

戴書崇陽人宏治壬戌進士授南京大理寺正出補四川
僉事歷副都御史巡撫雲南上安邊疏謂肅州爲極邊哈
密爲盡境哈密土魯與四夷爲黨其種類流寓盤據肅州
境不免爲患而罕東在衛赤斤蒙古衛亦與哈密相隣近

姓氏譜

卷三

十一隊

戴氏

三

年漸多內徙直犯肅州宜遵舊制畫界分境設衛鑄印制之以杜邊患上謹其議

戴金漢陽人正德甲戌進士歷蘇州撫州推官徵拜御史理兩淮漕政條奏十二事節省費省緡得羨銀六十八萬佐邊餉巡撫四川平滇賊安銓歲饑疏請帑金二十萬爲賑從之仕至兵部尙書金喜爲古文辭熟典故兼通象數堪輿之學歷官中外三十餘年多所稱述卒賜祭葬著三難軒集使蜀稿海防稿江西詩記宦滁集棘署餘聞藏家戴勝鳳號西溪澧州人幼有田數頃族之黠者澌之勝鳳躬耕婦亦併力家益起有負債將易妻償者勝鳳覺召裂其券更有屢負而屢貸不已者亦不拒嘗登岳陽樓見風濤中一艇垂危急出橐金募衆救免其人登樓跡之勝鳳去久矣孫君恩萬歷時由進士累官鴈門申丞韓敬爲立

氏姓譜

卷三

十一隊

戴氏

三七

傳以爲漸于祖訓云

戴欽字時亮馬平人登正德進士爲刑部主事歷卽申時建素林公爲大司寇每有大典禮大獄訟必屬劄藁欽援筆立就無不允當林公甚重之欽長于詩喜交宇內賢豪時信陽何大復闕中馬西原大梁李川有亳州薛君采皆與欽遊時相賡詠後坐議大禮廷杖歿欽爲文及詩清新俊逸所著有鹿原集王溪存稿

戴居敬字可南桂陽人幼爲諸生動以古人律已敦孝友甘貧嗜學以歲薦司訓松滋申卧碑勤考課諸生有貧苦者必周之流寇攻枝江與松唇齒百姓馳竄邑令以署篆如江陵居敬安定土民誓以死守邑賴以全未幾丁父艱歸松人勒石紀之卒年九十一

戴錄號秋厓浮梁人知桂陽州興學校立社倉創書院置

膳田復逃戶講古禮所著有壁箋考索就正稿經案對談
訓蒙日程等編

歷代列女

戴氏良之女也衛珍妻亡山簡曰戴良嫁女惟賢是與况
衛氏權門貴戶乎遂以女妻之

戴氏莆田人名清歸蔡本澄年甫十四居二年本澄以世
籍成遼東買妾代婦行戴父與約曰遼左天末五年不歸

吾女當改嫁矣至期父語清如約泣不從獨居十有五年
本澄歸生一子未晬父子相繼亡清哀毀幾絕父潛受吳

氏聘清聞之曰人呼女蔡本澄婦耳何又云吳耶即往父
家使絕婚吳訟之官令守節表曰寡婦清之門

戴氏陳自強妻年二十適陳不一年而夫亡父母欲奪其
志誓不可端靜貞淑內外肅如宗族鄉黨咸敬重之年八

氏姓譜 卷三 十而卒名曰清臺節婦

戴氏桐城人汪世衛妻也正德間遇流賊欲驅掠之戴抱
柳樹不動賊以刀厲其頸戴厲聲曰何不速殺我賊怒遂

殺之 戴氏淳安人何廷傑妻也年二十而寡人有欲奪其志者
戴以刀裂其兩耳誓不改節孀居六十餘年始終如一日

戴氏郴州人黃爵妻也爵卒氏年二十二志不二有求婚
者引刀自刺其面苦節教子皆有名譽年八十餘終

戴氏韓某妻韓世襲長沙衛指揮韓死族人謀奪其職戴
以妾朱氏有遺腹白太守及生子學文戴與朱三人相依

比壯教之學登萬歷壬辰武進士歷任掘溝守備
戴氏常德衛人陳昌期妻年二十夫卒欲以身殉舅姑諭

以無瓜乃止克盡孝道教子有立事聞旌表

戴氏橋山人康時昇母也年二十五而寡守節教子後時昇獲雋爲惠來令母隨之官猶布衣蔬食年九十終

戴復古妻復古號石屏能詩江湖四子之一也未遇時流

寓武寧有富家翁愛其才以女妻之居二三年忽欲作歸

計妻問其故告以曾娶妻白之父父怒妻施曲釋解盡以

奩具贈之仍餞以詞云惜多才憐薄命無計可留汝揉碎

花牋忍寫斷腸句道傍楊柳依依千絲萬縷抵不住一分

愁緒捉月盟言不是夢中語後回君若重來不相忘處把

杯酒澆奴墳土夫既別遂赴水死

戴氏女名新喜樂安人許聘曾氏子未歸夫死戴自縊以

殉父母救甦後聞議改聘竟自盡

戴氏南豐人李紳妻洪武初收散卒其兄李惇已死部上

其籍罹于伍者憾無所泄而貽禍于紳繫京獄戴憤激赴

氏姓譜

卷三

十一隊

戴氏

元

京擊登聞鼓訴寃得釋紳道死戴扶榷歸塋保孤勵節壽

六十有九有司爲建貞節堂

戴氏周志傑妻媳王氏安義人戴年十七守節撫一歲孤

廷冕年十四補庠生聘王氏未娶冕復死王躡踊到門姑

媳焚香誓天甘心守節二氏俱享年八十

代氏

古代君翟國也在常山北今代州是也稱王爲趙襄子

所滅其遺族以代爲氏史記趙有代舉漢京兆尹代武

歷代名賢



代淵字蘊之代州人世爲吏有陰德性簡潔事親以孝聞

受學于李暉張達年四十舉進士得清水簿親喪歎祿不

及養炎于仕進居家教授坐席嘗滿舉爲鳳州副練推官

不就知益州楊曰嚴又薦之遂以太子中允致仕謝絕諸生著周易旨要佛老雜說數十篇田況上其書自太常丞改祠部員外郎晚年日茶食巾褐山水間自號虛一長吏歲時致問澹然與對畧不及私嘉祐二年九月有疾擇日云丙申吉是日沐浴而絕

愛氏見姓苑

能氏

姓苑云長廣人狀云楚熊摯之後避難改為能氏能音耐宋醫官能日宣又有能廸登科建州人能將撫州人

擲氏

亦作都亦作背即商都也武王伐紂分其地為三監自紂城而東謂之擲漕擲地也封紂子武庚于此以霍叔尹之及三監叛周公伐之而并其地為衛擲國往往自

氏姓譜

卷三

士隊

代氏至三

此亡矣子孫以國為氏

俚氏

如代切晉山公集有俚湛明俚祺雲南臨安籍直隸定遠人萬歷乙未進士歷任廣西巡按御史

丙氏正字通漢丙容之利唯

對氏

賽氏

載氏風俗通云姬姓之後宋太平興國登科載永明洪武中載君用父福監稅失火當死君用代父刑

退氏

背氏

費氏

佩氏

兗氏

瑩氏以上俱見姓譜

去聲

十一

慎氏見通志氏族畧望出天水

慎到趙人學黃老道德之術因發明序其旨意著十二論

宋

慎知禮衢信安人父温其有詞學仕錢俶終元帥府判官知禮幼好學年十八獻書署校書郎為掌書記宋初從俶子惟濟入覲歸署營田副使人朝授鴻臚卿歷知陳州興元府母年八十餘居宛邱懇求歸養退處十年縉紳稱其孝及服除表請納祿至道三年以工部侍郎致仕自幼至白首歲讀五經周而後止每開卷必正衣冠危坐未嘗少懈咸平初卒年七十七

慎從吉字慶之知禮子錢俶之婿為元帥府長史歸宋歷將作少監改太子右庶子真宗升儲換衛尉少卿即位遷詹事頗以文酒自娛士夫多與之遊景德初判刑部留意

氏姓譜

卷三

十二震 慎氏

三

法律天下所奏成案牽多糾駁取所積犯人告身警之以市什器祥符初改衛尉卿糾察在京刑獄拜右諫議大夫判吏部銓選人舊試多籍地而坐從吉為市莞席給之改給事中臨事敏速動心公家所至務儉察嘗請對陳事上多其無隱八年權知開封請屬一無所受適豪民張斌妻盧氏與姪質交訟被搆削職天禧中復起以光祿卿致仕卒年七十喜為詩時有警語兼工醫術子孫登第人仕甚眾紆朱紫者數人家富于財精治生又善為饌具分遺權要晚年進趨彌篤以至于敗物論鄙之子鏞金部度支員外郎秘閣校理蹇太常博士
慎錢康定初知建昌軍治尚大體明而不苛威惠並行民感戴之

慎伯筠字東美西安人長于詩秋夜待潮于錢塘江沙上

露坐設大酒尊置一盃對月獨飲意象做逸冷嘯自若顧
子敦適遇之亦懷一盃就其尊對酌伯筠不問子敦亦不
與語酒盡各自散去其踈曠多類此

歷代列女

慎氏毗陵人儒家女也唐末適嚴灌夫十年無子出之慎
氏毅然就舟留別詩云當時心事已相關兩散雲收一晌
閒便駕片帆從此去不堪重過望夫山

蘭氏

姬姓韓厥元孫曰康仕趙食采于蘭因氏焉康裔孫相
如爲趙上卿子孫仕秦隨司馬錯伐蜀因家成都望出
中山華陰

歷代名賢

氏姓譜

卷三

十二

蘭氏

三

蘭相如趙人也爲趙宦者令繆賢舍人惠文王時得楚和
氏璧秦昭王聞之使人遣王書願以十五城請易璧王與
廉頗諸大臣謀欲予秦秦城恐不可得徒見欺欲勿予卽
患秦兵之來計未定求人可使報秦者未得繆賢曰臣舍
人蘭相如可使王問何以知之對曰臣嘗有罪竊計欲亡
走燕相如止臣曰君何以知燕王臣語曰臣嘗從大王與
燕王會境上燕王私握臣手曰願結交以此知之故欲往
相如謂臣曰夫趙疆而燕弱而君幸于趙王故燕王欲結
于君今君乃亡趙走燕燕畏趙其勢必不敢留君而東君
歸趙矣君不如肉袒伏斧質請罪則幸得脫矣臣從其計
大王亦幸赦臣竊以爲其人勇士有智謀宜可使于是王
召見問相如曰秦王以十五城請易寡人之璧可予不相
如曰秦強而趙弱不可不許王曰取吾璧不予我城奈何

相如曰秦以城求璧而趙不許曲在趙趙予璧而秦不予趙城曲在秦均之二策寧許以負秦曲王曰誰可使者相如曰王必無人臣願奉璧往使城入趙而璧留秦城不入臣請完璧歸趙王于是遂遣相如奉璧西入秦秦王坐章臺見相如相如奉璧奏秦王秦王大喜傳以示美人及左右左右皆呼萬歲相如視秦王無意償趙城乃前曰璧有瑕請指示王王授璧相如因持璧却立倚柱怒髮上衝冠謂秦王曰大王欲得璧使人發書至趙王趙王悉召羣臣議皆曰秦貪負其疆以空言求璧償城恐不可得議不欲予秦璧臣以爲布衣之交尚不相欺況大國乎且以一璧之故逆疆秦之驩不可于是趙王乃齋戒五日使臣奉璧拜送書于庭何者嚴大國之威以修敬也今臣至大王見臣列觀禮節甚倨得璧傳之美人以戲弄臣臣觀大王無

氏姓譜

卷三

十二震

藺氏

三

意償趙王城邑故臣復取璧大王必欲急臣臣頭今與璧俱碎于柱矣相如持其璧睨柱欲以擊柱秦王恐其破璧乃辭謝固請召有司案圖指從此以往十五都與趙相如度秦王特以詐佯爲予趙城實不可得乃謂秦王曰和氏璧天下所共傳寶也趙王恐不敢不獻趙王送璧時齋戒五日今大王亦宜齋戒五日設九賓于庭臣乃敢上璧秦王度秦王雖齋決負約不償城乃使其從者衣褐懷其璧從徑道亡歸璧于趙秦王齋五日後乃設九賓禮于廷引趙使者藺相如相如至謂秦王曰秦自繆公以來二十餘君未嘗有堅明約束者也臣誠恐見欺于王而負趙故令人持璧歸間至趙矣且秦疆而趙弱大王遣一介之使至趙趙立奉璧來今以秦之疆而先割十五都予趙趙豈敢償

璧而得罪于大王乎臣知欺大王之罪當誅臣請就湯鑊
唯大王與羣臣熟計議之秦王與羣臣相視而嘻左右或
欲引相如去秦王因曰今殺相如終不能得璧也而絕秦
趙之驩不如因而厚遇之使歸趙趙王豈以一璧之故欺
秦耶卒廷見相如畢禮而歸之相如既歸趙王以爲賢大
夫使不辱于諸侯拜相如爲上大夫秦亦不以城予趙趙
亦不終予秦璧其後秦伐趙拔石城明年復攻趙殺二萬
人秦王使使者告趙王欲與王爲好會于西河外滹池趙
王畏秦欲毋行廉頗藺相如計曰王不行示趙弱且怯也
趙王遂行相如從遂與秦王會滹池秦王飲酒酣曰寡人
竊聞趙王好音請奏瑟趙王鼓瑟秦御史前書曰某年月
日秦王與趙王會飲令趙王鼓瑟藺相如前曰趙王竊聞
秦王善爲秦聲請奉盆缶秦王以相娛樂秦王怒不許于

氏姓譜

卷三

十二震

藺氏

三

是相如前進缶因跪請秦王秦王不肯擊缶相如曰五步
之內相如請得以頸血濺大王矣左右欲刃相如相如張
目叱之左右皆靡于是秦王不憚爲一擊缶相如顧召趙
御史書曰某年月日秦王爲趙王擊缶秦之羣臣曰請以
趙十五城爲秦王壽藺相如亦曰請以秦之咸陽爲趙王
壽秦王竟酒終不能加勝于趙趙亦盛設兵以待秦秦因
不敢動既罷歸國以相如功大拜爲上卿位在廉頗之右
廉頗曰我爲趙將有攻城野戰之大功而藺相如徒以口
舌爲勞而位居我上且相如素賤人吾羞不忍爲之下宣
言曰我見相如必辱之相如聞不肯與會相如每朝時常
稱病不欲與廉頗爭列已而相如出望見廉頗相如引車
避匿于是舍人相與諫曰臣所以去親戚而事君者徒慕
君之高義也今君與廉頗同列廉君宜惡言而君畏遷之

恐懼殊甚且庸人尙羞之况于將軍乎臣等不肖請辭去
藺相如固止之曰公之視廉將軍孰與秦王曰不若也相
如曰夫以秦王之威而相如廷叱之辱其羣臣相如雖驚
獨畏廉將軍哉顧吾念之疆奈之所以不敢加兵于趙者
徒以吾兩人在也今兩虎共鬪其勢不俱生吾所以爲此
者以先國家之急而後私讐也廉頗聞之肉袒負荆因賓
客至藺如如門謝罪曰鄙賤之人不知將軍寬之至此也
卒相與驩爲刎頸之交

藺敏修龍游人幼穎悟博通羣書紹興中進士官至朝奉
郎著論評解詩解號中山先生

藺芳夏縣人洪武中舉孝廉累遷刑部郎中永樂中出爲

氏姓譜 卷三 十二震 藺氏 三

吉安知府寬厚廉潔民甚德之吉水民詣闕言縣有銀礦
遣使覆視父老遮芳訴曰聞宋季嘗有言此者卒以妄得
罪今皆樹藝地安所得銀礦芳詰告者知其誣獄具同官
不敢署名芳請獨任之奏上帝曰吾固知妄也得寢已坐
事謫辦事官從宋禮治會通河復爲工部都水主事十年
河決陽武灌中牟祥符尉氏遣芳按視芳言中鹽隄當暴
流之衝請加築塞又言自中櫟分導河流使由故道北入
海誠萬世利又言新築岸埽止用草索不能堅久宜編木
成大困貫椿其中實以瓦石復以木橫貫椿表牽築隄上
則殺水固隄之長策也詔悉從之其後築隄者遵用其法
以宋禮薦擢工部右侍郎亡何行太僕卿楊砥言吳橋東
光輿濟交河及天津屯田雨水決隄傷稼乞開德州良店
東南黃河故道以分水勢復命芳往治之所經郡邑有不

便民者輒疏以聞事竣還十五年十一月卒于官芳自奉約布衣蔬食事母至孝母甚賢芳所治事暮必告母有不當輒加教誡芳受命唯謹由是爲良吏云

藺剛中字坦生陵縣人爲南京給事中奏保護留都六事又陳漕事救弊之要山東饑疏言民死而丁存田荒而賦在安得不爲盜皆切時病遷山西副使崇正十六年爲太原監師明年正月二十三日李自成寇太原與山西巡撫蔡懋德布政使趙建極俱及于難先是同官已殺毛文炳之子兆夢甫數歲賊掠去士民以其忠臣子也贖而歸之欲降剛中不從俱殺之剛中首旣墮復躍起丈餘賊皆避後贈卹有差

藺從善磁州人洪武癸酉科舉人授揚州府學教授累官翰林院學士致仕從善資稟凝重問學老成進講經筵從

氏姓譜

卷三

十二震

藺氏

三六

容詳雅聞者歎服

藺起龍陳西華州人爲唐縣典史流賊執之迫降起龍笑曰天下豈有從賊命官耶死之

藺澄陽武人成化丙戌進士授御史屢劾貴戚閹豎朝野震懾卒于官祀鄉賢

歷代列女

藺氏生員胡景玉妻姑病危剖左股和藥以進立愈及景玉沒矢志靡他撫及諸孤皆成立

藺氏生員張純粹妻太守藺完植之次女幼淑慧容貌端莊雅修閨閣之德與姊妹講節烈大義適純粹生二子三

女各有室家當流賊攻城氏盥櫛罷更衣盡縫其裡衣外束一帶及城陷賊逼近將執氏曰白璧可碎不受瑕矣決不肯輸一朝之生而貽萬世羞乃以頭撞石石裂頭破曰

吾爲天地正氣死必有報也遂率其媳席氏二女二孫俱投井死死之日黑風驟驟來賊懼以石掩之徙其營

蘭氏蘭人之女也明初陳友諒部屬鄧平章陷江西見蘭有殊色遂併其兒嬰掠去蘭度不得歸求間乃先殺其嬰兒嚙指血題一律于壁上云涇渭難分濁與清此身不幸厄紅巾孤兒豈忍更他姓烈婦寧甘事二人白刃自揮心似鐵黃泉欲到骨如銀荒村日落猿啼處過客聞之亦慘神書罷自刎而死友諒聞之哀其死而高其節立廟于城之東北隅大書節婦以旌表之

印氏

姬姓鄭穆公子子印之後也公子輪字子印其孫印段以王父字爲氏望出馮翊南唐印綦登第宋朝有印况舉進士江寧人

氏姓譜

卷三

士震 印氏

三

歷代名賢

宋

印應雷知温州初州卒作亂詔以應雷討之斬其渠魁餘黨悉散人咸歎服在任每出視事目光如炬左右不敢仰視退則溫然孩稚可親也

明

印岳楚雄衛千戶性仁孝忠義嘗見屍暴露者解衣覆之有死弗能殯者皆與之棺洪武末征革石瓦那寨時天寒糧絕卽殺所乘馬以食軍士奉母必先意承顏母病衣不解帶者旬日後征麓川力戰而死

印家武陵人嘉靖歲貢南通州同知以征倭功陞鳳陽府判皆立碑紀其績

印同奇字易菴號雪浪龍陽人初任南京兵部車駕司主

事歷陞職方司郎中鎮江府知府罷歸明末陞常鎮道歷官都察院兵部右侍郎兼通政司通政使治鎮江清介自持嚴懲奸猾士民感之與同寮隙陰爲所中休官日閤郡罷市詣闕訟寃者甚衆

歷代列女

印氏吳荆妻家貧甚遺三歲子翁姑皆老氏極力奉日用歷歲井臼糟糠脩嘗艱苦猶婉容以事舅姑舅姑嘗語人曰我賴賢媳苟延不死

印氏張仙妻夫亡年二十一子甫三月權貴欲奪之不可卿士大夫爲作凌霄勁節詩嘉靖十二年旌

印氏嘉定人陳元植字子培妻也子培九歲失怙祖母與後母共撫之祖母病子培割股以制湯藥病尋愈及後母病欲以事祖母者事後母印氏覺之曰君向傷創痕印遂自割其股以進病亦愈通邑稱其双孝黃淳耀有傳

氏姓譜

卷三

十二震

印氏

三

晉氏

晉大夏之墟也堯之所都平陽其國曰唐及叔虞封于唐其子燮父嗣封改爲晉以其地有晉水故也今爲晉州其地正名翼亦名絳而平陽者是其總名至景公遷于新田謂新田爲絳今絳州是也而謂平陽爲故絳叔虞者武王第二子初邑姜方娠武王夢天謂之曰余命而子虞與之唐及生有文在其手曰虞遂命曰虞字子于成王立唐有亂周公滅之成王與叔虞戲削桐葉爲珪曰以此封若更佚因請擇日立叔虞成王曰吾與之戲耳佚曰天子無戲言遂封于唐在河汾之東地方百里至昭侯封其叔成師于曲沃號桓叔曲沃大于翼是謂未大于本桓叔之孫武公滅翼以其寶器獻于周襄

王王命武公爲晉君獻公始疆大文公伯諸侯文公之後世爲盟主至景公遷于新田晉始作六卿自此政在私門韓趙魏盛彊烈公十九年周威烈王命三家皆爲諸侯靜公二年魏武侯韓哀侯趙敬侯滅晉而三分其地靜公遷爲家人子孫爲晉氏凡三十三代魏將有晉鄙蓋其後也漢有晉寶爲樂安相

歷代名賢

晉

晉灼字子盛河南人所著有前漢書音釋四十卷

六

晉鷲紹興初知房州適桑仲蹂踐之餘軍士絕糧鷲令軍士開墾至秋大熟倉廩富足凡貧民能爲工匠者令修制軍器農具移州治劄州學俾民遣子弟入學免其役稅

氏姓譜

卷三

十二震

晉氏至 三

信氏風俗通魏公子信陵君之後

歷代名賢

元

信世昌字雲甫號中隱山水學沈士元有出藍之譽墨竹別成一家蓋黃華之後又一變者

歷代列女

信氏翟參妻也聞喜人年二十三夫亡舅姑欲令再適信弗從守節五十六年始終如一日天順間事聞詔旌異之

隋氏風俗通云夏時侯國子孫氏焉

進氏後漢有進延爲小黃令見華嶠後漢書延或作儉

夔氏周有夔憂

遴氏古文吝字見纂要

領氏今湖廣松滋縣有此姓

振氏

閩氏

舜氏

緡氏

儻氏

俊氏

遼氏與遼通

晉氏古文慎字直音曰姓也

睿氏亦古文慎字以上俱見姓譜

去聲

十一問

問氏見姓苑明問智寶應人成化進士

靳氏

楚大夫靳尚漢有靳歙又汾陽侯靳彊後漢末范陽令靳先後燕錄有太史令鴈門靳安唐金紫光祿大夫靳孝謨武功人吏部郎中靳常館陶人又居汝南今望出西河

歷代名賢

氏姓譜

卷三

十三問

問氏

早

漢

靳歙以中涓從起宛胸攻濟陽破李由軍擊秦軍開封東斬騎千人將一人首五十七級捕虜七十三人賜爵封臨平君又戰藍田北斬車司馬二人騎長一人首二十八級捕虜五十七人至霸上沛公為漢王賜歙爵建武侯遷騎都尉從定三秦別西擊章平軍于隴西破之定隴西六縣所將卒斬車司馬候各四人騎長十二人從東擊楚至彭城漢軍敗還保雍邱擊反者王武等略梁地別西擊邢說軍留南破之身得說都尉二人司馬候十二人降吏卒四千六百八十八人破楚軍滎陽東食邑四千二百戶別之河內擊趙賁軍朝歌破之所將卒得騎將二人車馬二百五十匹從攻安陽以東至棘蒲下十縣別攻破趙軍得其將

司馬二人侯四人降吏卒二千四百人從降下邳鄆別下

平陽身斬守相所將卒斬兵守郡一人降鄴從攻朝歌鄴
鄴又別擊破趙郡降邯鄲郡六縣還軍敖倉破項籍軍成
皋南擊絕楚饗道起滎陽至襄邑破項冠魯下略地東至
鄴鄒下邳南至鄆竹邑擊項悍濟陽下還擊項籍軍陳下
破之別定江陵降柱國大司馬以下八人身得江陵王致
淮陽因定南郡從至陳取楚王信剖符世世勿絕定食四
千六百戶爲信武侯以騎都尉從擊代攻韓信平城下還
軍東垣有功遷爲車騎將軍并將梁趙齊燕楚車騎別擊
陳豨丞相侯傲破之因降曲道從擊黥布有功益封定食
邑五千三百戶凡斬首九十級虜百四十二人別破軍十
四降城五十九定郡國各一縣二十三得王柱國各一人
二千石以下至五石三十九人高后五年薨諡曰肅侯子
亭嗣有罪國除

氏姓譜

卷三

十三問

靳氏

四

宋

靳懷德本名湘博州高唐人祖昌範殿中丞父隱禹城令
懷德中明法科解褐廣安軍判官秩滿授鴻臚寺丞歷判
相廣滄莫四州知德州運使劉通言其疊有善政建詔褒
之徙知密州代還鹽鐵使陳恕判官王濟薦換如京使連
知卬與滄州祥符初滄州吏民詣轉運李士衡借宿遷文
思使時江南旱歉命爲洪虔十州安撫都監改知曹州遷
爲益州鈐轄加領長州刺史就遷北作坊使在劔外軍民
甚畏愛之入拜西上閣門使領昭州刺史知瀘興陝州悉
心撫治頗著政績卒年七十三

靳裁之許昌人習伊洛程氏之學師事胡安國嘗有言曰
士之品大槩有三說見下論鄙夫外註

靳昂字克昌曲沃人兄榮爲奎章閣學士奉母官于朝母沒昂護喪歸至平定州大雨水驟至昂伏柩上同漂沒後得柩于三里外昂屍于五里外後至元三年詔賜孝子靳昂碑

靳德進其先潞州人後徙大名父祥師事陵川郝溫兼善星歷金末兵亂與母失母悲泣而自祥訪得之既其目百日復明人稱其孝初劉敏行省燕京辟祥寘幕下時藩帥得擅生殺無辜者多賴祥以免卒諡安靖德進爲人材辨幼讀書通大義父沒益自刻勵尤精星歷之學世祖命太保劉秉忠選太史官屬德進以選授天文星歷卜筮三科管勾凡交蝕躔次六氣侵疹所言休咎輒應時因天象進規諫多所裨益累遷秘書監掌司天臺事從征乃顏揆日時卒中機會諸將欲勦絕其黨德進獨陳天道好生請緩

氏姓譜

卷三

十三間

靳氏

四

師以待其降又奏言叛者多爲妖言所惑致謀不軌宜括天下術士設陰陽教官使訓學者仍歲貢一人帝從之著爲令成宗以皇孫撫軍北邊遣德進從行凡攻戰取勝皆豫寇期日無不驗者成宗卽位歷陳世祖進賢納諫咨詢治亂之原帝嘉之授昭文館大學士知太史院領司天臺事都城以菽苦廩或請以瓦易之帝以問德進對曰若是役驟興物必踴貴民力幾何臣未見其可議遂寢敕中書自今凡集議政事必使德進預焉尋以病丐閒仁宗在東宮特令中書留之會車駕自上京還召見曰海行宮授中書右丞議通政院事領太史院如故以疾卒于位追封魏國公諡文穆

靳和曲沃人居鄉喜周貧之導人以善金貞祐間兵擾團

結鄉人保寓後仕元知絳陽軍政治公平子用六歲從張

理之學仕爲曲沃冀城合累官僉嶺北湖南廉訪司使以同知晉寧路致仕父子忠盡士林稱之

明

靳學顏字子愚濟寧人嘉靖十三年舉鄉試第一明年成進士授南陽推官以廉平稱歷吉安知府治行高累遷左布政使隆慶初入爲太僕卿改光祿旋拜右副都御史巡撫山西應詔陳理財凡萬餘言言選兵鑄錢積穀最切疏入下所司議卒不能盡行也尋召爲工部右侍郎改吏部進左侍郎學顏內行修潔見高拱以首輔掌銓專恣甚遂謝病歸卒弟學曾山西副使治績亦有聞

靳聖居字淑孔長垣人崇正元年進士歷知濟源萊陽二縣屢謫復起涖慶陽時已授刑部主事未行遇賊佐段復興死守城破被執罵不絕口死

氏姓譜

卷三

士問 靳氏

三

靳於中字爾時尉氏人萬歷戊戌進士仕至工部尚書嘗備兵遼海捐俸修邊并以贖族姓之貧者仕宦數年室無長物

靳滋昂字昂別號笨伯尚書於中長子工書弱冠辭廩餼買大颿山薤茅築舍起仙岩別墅居焉後遇寇賊交訐四方投居者存活以萬計滋昂清心味道註有黃庭心印諸解獨撰龍沙一線一卷世咸崇爲元門直指壽七十三臨終端坐默默如平常兩鼻垂玉柱尺餘屬纊體柔不僵人咸異爲尸解云

靳謙吉盧氏人登鄉薦崇正癸酉城陷被執不屈死之贈

光祿寺丞

靳禮山東壽張人永樂中知孟縣均徭役興學校政尚寬

平會置河陽驛禮捐俸以相之民不知擾時稱賢合以憂

夫民保留之

靳義字原禮淇縣人以太學生任監察御史永樂初出按北京糾治貪墨決疑獄滯訟皆得其情吏民畏服日惟蔬食毫髮無取于民時皇太子居守北京賜魚米以旌其廉且語左右曰靳義可謂真御史也未幾陞湖廣按察司副使風紀肅然

靳貴字充道丹徒人宏治己酉鄉試第一庚戌會試第二廷試第三授編修歷少師戶部尚書華蓋殿大學士贈太傅諡文僖貴素靜重簡默不輕爲臧否對客論事恒不盡其辭人或以爲過慎比居密勿侃侃正言略無顧忌事關宗社同事有所論諫愆愆甚力家居率從簡約作師儉堂以示子孫

歷代列女

氏姓譜

卷三

十三問

靳氏

四

靳氏靳康女不知何許人也美姿容有志操劉曜之誅靳氏將納靳女爲妻靳曰陛下旣滅其父母兄弟復何用妾爲妾聞逆人之誅也尙汗宮伐樹而况其子女乎因號泣請死曜哀之免康一子

靳氏謝廷策妻郎人夫卒年二十餘三子俱幼守節教之俱成名年九十一歲無病而逝接院旌曰鶴算松操靳氏明增生周元相妻通孝經事舅姑並繼始盡道夫亡家徒壁立以紡績課子鱗成名士

員氏

音運亦作郎平姓楚伍員之後也伍子胥名員以父伍奢被執而奔吳爲吳行人以謀楚又使子齊屬其子于鮑氏是爲王孫氏吳王聞之賜子胥屬鏤以死伍氏以

其祖伍參食邑千椒故其後爲椒氏又子胥以名員其

後亦以名爲氏前涼錄有金城人員敬唐有員半千大夏人員景唐吏部郎員嘉靜宋登科員安輿員子思並陵井監人員安宇開封人員逢辰華州人按左傳昭二十年伍員釋文本音云楊慎曰陸龜蒙詩賴得伍員騷思少誤讀平聲此說非也員字平去二音皆可讀

歷代名賢

員半千字榮期其先本彭城劉氏十世祖凝之事宋起郎曹及齊受禪奔元魏以忠烈自比伍員因改姓員終鎮西將軍平涼郡公半千始生而孤爲從父鞠養羈中通書史客晉州舉童子科房元齡以邁秀見賞初名餘慶王義方許以五百歲一賢者生子宜當之故易今名凡舉入科皆中調武陟尉歲旱勸令殷子良發粟不從伺其謁州悉發

氏姓譜

卷三

士問

員氏

聖

之下賴以濟刺史怒囚于獄會薛元超持節河北巡撫讓太守曰君有民不能恤使惠出一尉尚可罪耶釋之俄應岳牧薦舉高宗親問兵家三陣答曰古稱星宿孤虛天陣也山川向背地陣也什伍彌縫人陣也臣謂不然夫師出以義沛若時雨得天之時爲天陣足食約費且耕且戰得地之利爲地陣舉三軍士如子弟從父兄得人之和爲人陣舍是則何以戰帝曰善擢之高第歷華原武功尉擢左衛曹曹參軍使吐蕃將行武后復留待制卽詔入閣供奉遷司賓主簿宏文館直學士與邱悅王勳石抱忠路敬淳分日侍顯福門下因上明堂新禮三卷封中嶽撰四壇碑前後稱善賜緡千疋擢累正諫大夫兼右控鶴內供奉以官名在古無有授任者皆浮俠少年非朝廷德選請罷之許旨下遷水部郎中除棗州刺史預修三教珠英進學士

武三思忌之更豫斬二州所至不顯任吏常以文雅粉澤
故禮化大行睿宗初召爲太子右諭德詔講易與老子累
封平原郡公凡事五君有清節年老不衰乞骸聽朝朔望
樂山水自放開元九年遊堯山沮水間愛其地遂定居卒
年九十四

員嘉靖開元中張嘉貞薦延嗣等四人皆位清要語曰合
君四俊苗呂崔員

員紀編州人宣德中任涇陽教諭勤于敷教篤于自守言
行足以示法于士類歷禮部郎中

員宗義咸陽人慷慨有志節事繼母以孝聞敦族睦鄰輕
財向義正統間飢宗義賑救活幾萬人

員鶴咸陽人天性豁達孝友成化舉人任山東青州府通
判尋守霍州按宦官罪惡改調又明年宦官誅被命禮徵

氏姓譜

卷三

十三問

員氏至吳

固辭不起

覲氏與員同前燕有覲平金城人

炬氏見姓苑明炬冲霄沔縣人萬歷間四川長壽主簿
奮氏高辛氏才子八元伯奮之後楚有奮楊

近氏見姓苑

訓氏周禮有訓方氏以官爲氏明訓濬栢鄉人宣德中
任袁州府學教授

運氏見姓苑

郡氏見運切明郡敬大寧人成化中舉人知餘干縣事

鄆氏魯大夫食采于鄆子孫氏焉鄆亦作運

商氏音郡見直音

成氏

近氏俱見姓苑

萬氏

亦作婉姬姓畢萬之後一云芮伯萬之後又有吐萬氏

改萬氏

歷代名賢

周

萬章孟子弟子

周

萬修字君游扶風茂陵人也更始時為信都尉與太守任光都尉李忠共城守迎世祖拜為偏將軍封造義侯及破邯鄲拜右將軍從平河北建武二年更封槐里侯與揚化將軍堅鐔俱擊南陽未尅而病卒于軍子普嗣徙封涇氏侯普卒子親嗣徙封扶柳侯親卒無子國除永初七年鄧

氏姓譜

卷三

十四願 萬氏

吧

太后紹封修曾孫豐為曲平亭侯豐卒子熾嗣永建元年熾卒無子國除延熹二年桓帝紹封修元孫恭門德亭侯

周

萬安國代人也祖真世為酋帥恒率部民從世祖征伐以功除平西將軍敦煌公轉驃騎大將軍儀同三司父振尚高陽長公主拜駙馬都尉遷散騎常侍寧西將軍長安鎮將賜爵馮翊公安國少明敏有姿貌以國甥復尚河南公主拜駙馬都尉遷散騎常侍顯祖特親寵之與同卧起為立第宅賞賜至巨萬超拜大司馬大將軍封安城王安國先與神部長奚買奴不平承明初矯詔殺買奴于苑中高祖聞之大怒遂賜安國死年二十三

隋

萬寶常不知何許人也父大通從梁將王琰歸齊後謀還

江南事世伏誅由是寶常被配爲樂戶因妙達鐘律遍工
八音與人方食論及聲調時無樂器寶常因取前食器及
雜物以箝扣之品其高下宮商畢備諧于絲竹大爲時人
所賞然歷周隋俱不得調開皇初沛國公鄭譯等定樂初
爲黃鐘調寶常雖爲俗人譯等每召與議然言多不用後
譯樂成奏之上召寶常問其可不寶常曰此亡國之音豈
陛下所宜聞上不悅寶常因極言樂聲哀怨淫放非雅正
之音請以水尺爲律以調樂器其聲率下鄭譯調二律并
撰樂譜六十四卷且論八音旋相爲宮法改絃移柱之變
爲八十四調一百四十律變化終于一千八百聲時以周
禮有旋宮之義自漢以來知音不能通見寶常特創其事
皆哂之至是試令爲之應手成曲無所疑滯見者莫不嗟
異于是損益樂器不可勝紀其聲雅淡不爲時人所好太

氏姓譜

卷三

十四類

萬氏

吳

常善聲者多排毀之又太子洗馬蘇夔以鐘律自命尤忌
寶常夔父威方用事凡言樂者附之而短寶常數詣公卿
怨望蘇威因詰寶常所爲何所傳受有一沙門謂寶常曰
上雅好符瑞有言徵祥者上皆悅之先生當言從胡僧受
學云是佛家菩薩所傳音律則上必悅先生當言所爲可
以行矣寶常遂如其言以答威威怒曰胡僧所傳乃四夷
之樂非中國宜行其事竟寢寢寶常聽太常所奏樂泣然泣
曰樂聲淫厲而哀天下不久將盡時四海全盛聞言者皆
謂不然大業之末其言卒驗寶常貧而無子其妻因其卧
疾遂竊其資物而逃寶常竟餓死將死取其所著書焚之
曰何用此爲見者于火中探得數卷見行于世開皇中鄭
譯何妥盧賁蘇夔蕭吉並討論墳籍撰著樂書皆爲當時
所用至于天然識樂不及寶常寔矣

萬振字長生南昌人齊梁間嘗以符咒治崇疾隋文帝賜號天師詔洪崖山爲觀以居之唐時漁者得青石七尺扣之有聲郡以獻于朝碎之得二劔鐔上刻振姓名高祖歎異召見暉日殿龍朔初尸解起棺惟有一劔一杖詔以銅函塋劔杖于西山天寶洞之側

唐

萬敬儒廬州人三世同居親喪廬墓刺血寫浮屠書斷手二指輒復生州改所居曰成孝鄉廣孝聚大中時表其家萬晏涇人在唐時以孝悌稱朝廷以數世同居表其門里并復其家

萬齊性敏學富名振當時與烏程包融會稽賀朝河南荆臣齊名號包萬荆賀

宋

氏姓譜

卷三

十四願 萬氏

兗

萬直臣字道同號元隱不娶修真妙元觀觀有葛洪丹井紫氣冲騰人以爲毒不敢汲道同浚井見氣從砂顆中出卽取吞之後舉動異常一日水漲流大木于歲寒溪跳躍其上隨洪濤去數年後兄信臣于無爲州見之引入山中留宿及別與一囊曰明年大歉此可濟一鄉持至樂平明溪開視之糖也兄播于溪抵家告母母探囊底猶有存者視之良金也復往索得金鄉人稱爲淘金灘觀中道士病目一日忽至爲舐之光明如初留詩云往往來來數百秋幻泡重作故人遊紫泥白雪尋常事何苦人間詠不休

萬適字縱之宛邱人自號遣元子六七歲卽能爲詩及長喜學問精于道德經與高錫族子冕及韓丕遊酬唱多警句遁跡嵩山不求仕進專務著述有狂簡集百卷雅書二

卷志苑三卷雅照詩二百首經籍總科討論四十卷淳化

中不爲學士上因召對問卿早在嵩陽當時流輩頗有遺逸否乃以適及楊璞田誥爲對上悉令召至闕授適鎮縣簿適素強力無恙詔下日忽病勉強赴謝數日而卒

萬規字仁甫樂清人熙豐間試禮部不中謝舉子業閉戶讀書縣始建學舍周邠三造其廬請主講席辭不就郡守石牧之亦移書招之終不往所居海濱有赤水港舊以舟渡覆溺者多規乃募家貲率邑里買石築堤俶泉之萬安建橋人便之至今名萬橋會詔舉經明行修之士令以規應詔亦不行優游田里以壽終有東平生文集十三卷孫庚登科

萬鎮字子靜平江人少師事方暹後遊饒饒峯門嘗稱天下讀書伯易第一子靜後之伯易名漢鄱陽人與子靜爲同門友魯仕能亦稱詞翰之上如深山窮谷大江大河言

氏姓譜

卷五

十四願

萬氏

平

論壘壘極古今事情非書生常談也賈似道帥荆辟充公安書院山長不赴登淳祐庚戌第授澧州司戶參軍卒所著有左傳十辨嘗欲做晦翁社倉率鄉人建之自爲規約萬諱字叔康饒州人紹興間知沙縣寬厚有惠愛于民廣寇犯閩境謬被漕檄督餉事慨然率巡檢吳鑄尉陳永忠以鄉兵千餘人逆拒之賊遁追躡逾日履險墮空從昇還治卒民感其忠義爲立祠

萬庚字汝金善詞賦太學典首中優選紹聖甲戌上舍擢第授縉雲尉以憂不赴再調全州教授清湘士子稀少初至郡丐增廩給以養士郡將異其材俾兼攝幕職爲文雄深雅健追配韓柳湖南諸郡碑碣必屬庚撰述秩滿改洪州錄參虞允文人相王十朋自泉南貽書薦之虞得書議除學官各未上卒終從政郎

萬億嘉定間知信豐縣事舊無城池億庀工備役百雉屹然先是有讖云上門驅山下門塞海若要成城除是萬載至是乃驗

萬清字仕廉南城人由進士官至樞密院使至正辛丑四海不寧棄任還家仍命鎮守建昌路總管府洪武初竄入閩地屢徵不就使人求得之貶和州知州不就卒

萬聚泗州人至元間知浮梁縣恤民興學百姓安之嘗謂家曰民願德我死必葬我于斯子孫如其言葬于治東

明

萬福字季崇進賢人成化進士時冢宰王端毅欲釐正鹽法授福兩淮運副分司故有歲例餘鹽盡革之又白督漕御史豁免各塲存積竈丁銀以甦賠累遷南京刑部員外

氏姓譜

卷三

十四願

萬氏

五

郎出知金華府會逆瑾遣其黨四出校尉樊信恨福無所餽誣以廢事脅吏部勒令致仕在林下二十年子若孫接踵科第子鑑知府鎧吏部尚書孫潮右副都御史浩南京禮部侍郎累世則貴人謂厚德之報云

萬潮字汝信正德六年進士由寧國推官入爲儀制主事與舒芬夏良勝陳九川稱江西四諫世宗立起故官歷浙江提學副使久之遷參政以忤權貴調廣西屢遷陝西左布政使右副都御史巡撫延綏所至著聲

萬廉字庭介鉛山人由進士授大理寺評擢廣西僉事清慎弗渝歷宦十餘年無一錢尺帛爲子孫遺

萬士和字思節宜興人父吉桐廬訓導有學術士和成嘉靖二十年進士改庶吉士授禮部主事父喪除乞便養母改南京兵部累遷江西僉事歲裁上供瓷器于計遷貴州

提學副使進湖廣參政撫納叛苗二十八峒以功賚銀幣
三殿工興採木使者旁午士和經畫備至民賴以安遷江
西按察使之官踰期劾免起山東按察使再遷廣東左布
政使政事故專決于左士和曰朝廷設二使如左右手非
有軒輊乃約右使分日治事召拜應天府尹道遷右副都
御史督南京糧儲奏請便民六事隆慶初進戶部右侍郎
總督倉場尋改禮部進左引疾歸神宗立起南京禮部侍
郎署國子監事萬歷元年禮部尙書陸樹聲去位張居正
用樹聲言召士和代之條上崇儉數事又以災稜屢見奏
乞杜倖門容贖直汰冗員抑干請多犯時忌俺答及所部
貢馬邊臣請加官賞士和言賞賚有成額毋徇邊臣額外
請從之方士倚馮保求官士和持不可成國公朱希忠歿
居正許贈王士和力爭給事中余懋學言事得罪士和言

氏姓譜

卷三

十四願

萬氏

三

直臣不當斥于是積忤居正給事中朱南雍承風劾之遂
謝病去居正沒起南京禮部尙書再疏引年不赴卒年七
十一贈太子少保諡文恭

萬恭字肅卿南昌人嘉靖二十三年進士授南京文選主
事歷考功郎中壽王喪過南京中貴欲令朝王妃恭厲聲
曰禮不朝后况妃乎遂止累遷光祿少卿入改大理四十
二年寇逼通州帝方急兵事以兵部右侍郎蔡汝楠協理
戎政侍郎喻時不勝任調之南京欲代以鄭曉楊順葛縉
手詔問徐階階以曉文士順縉匪人請命吏部推擇帝乃
諭尙書嚴訥越格求之遂以湖廣叅政李燧代時而命恭
代汝楠恭列上選兵議將練兵軍火器諸事皆報可明年
燧罷衆將推恭恭引疾及用趙炳然恭起視事于是給事
中胡應嘉劾恭奸欺恭奏辯部議調恭詔勿問恭不自安

力請劇邊自效乃命兼命都御史巡撫山西甫至寇犯龍
鬚墩恭伏兵擊却之未幾寇五萬騎至朔州川恭與戰者
高墓列車爲陣發火器寇少却忽風起火反焚車寇復大
至諸將殊死戰寇乃去事聞賚銀幣巡撫故無旗牌恭請
得之濱河州縣患套寇東掠歲鑿冰以防恭爲築牆四十
里教人以耕及用水車法民大利之浹歲以內艱歸隆慶
初給事中岑用賓等拾遺及恭吏部尙書楊博議仍用之
邊方暨服闋恭遂不出六年春給事中劉伯燮薦恭異才
會河決邳州運道大阻已遣尙書朱衡經理復命恭以故
官總理河道恭與衡築長堤北自磨臍溝迄邳州直河南
自離林迄宿遷小河口各延三百七十里費帑金三萬六
十日而成高寶諸河夏秋汎濫歲議增堤而水益漲恭緣
堤建平水閘二十餘以時洩蓄專合濬湖不復增堤河遂

氏姓譜

卷五

十品願

萬氏

三

無患恭強毅敏達一時稱才臣治水三年言者劾其不職
竟罷歸家居垂二十年卒

萬象春字仁甫無錫人萬歷五年進士選庶吉士授工科

給事中皇女生詔戶部光祿寺各進銀十萬兩象春力諫

不聽屢遷禮科都給事中鄭貴妃有盛寵而帝耽于酒象

春因慈寧宮災疏諫報聞時宗室繁衍歲祿不繼象春議

變通會河南巡撫褚鈇亦奏其事帝卽命象春遍詣河南

山西陝西諸王府計畫以聞象春抵河南方集議而周府

諸宗人疑鈇疏出宗正睦樛意羣毆睦樛幾死象春以狀

聞帝爲奪諸人歲祿象春復以次詣秦晉諸藩奏上便宜

十五事多著爲令真人張國祥乞三年一覲象春言左道

無民社寄不當在述職之列時詔許后父永年伯王偉乘

肩輿象春言勳戚不乘輿祖制也固安伯陳景行武清伯

李偉太后父袁白封始賜肩輿定國公徐文壁班首重臣
嗣爵久故亦蒙殊典今偉非三人比乞寢前命皆不許孟
秋將享廟帝齋宿宮中象春言當在便殿不當于內寢帝
怒停俸三月已因災異言外吏貪殘不當遣緹騎逮問官
禁邃密不當宿重兵廷臣建言貶黜當叙遷內臣有犯當
付外廷按治帝報聞象春在諫垣久前後七十餘疏多關
軍國計請復建文年號加景帝廟諡尤爲時所稱出爲山
東參政妖賊郭大通爲亂計禽之歷山西左布政使二十
五年以右副都御史巡撫山東倭躡朝鮮濱海郡邑悉戒
嚴象春拊軍民供饋運應機立辦中使陳增以礦稅至象
春疏論其害福山知縣韋國賢忤增被侵辱象春力保持
之增遂劾國賢沮撓象春黨庇詔逮國賢奪象春俸遂引
疾歸起南京工部右侍郎未上卒贈右都御史

氏姓譜

卷三

十四願

萬氏

四

萬國欽字二愚新建人萬歷十一年進士授婺源知縣徵
拜御史言事慷慨不避權貴十八年劾吏部尙書楊巍被
詰讓里居尙書董份大學士申時行王錫爵座主也屬浙
江巡按御史奏請存問國欽言份諂事嚴嵩又娶尙書吳
鵬已字之女居鄉無狀不宜加隆禮事遂寢初吏部員外
郎趙南星戶部主事張士昌疏斥政府私人給事中李春
開以出位糾南星士昌而其黨陳與郊爲助刑部主事吳
正志上疏言春開與郊媚政府干清議且論御史林祖述
保留大臣之非于是御史赫瀛集諸御史于朝堂議合疏
糾正志以臺體爲辭國欽與周孔教獨不署名瀛大恚盛
氣讓國欽國欽曰冠豸冠服豸服乃日以保留大臣領善
類爲事我不能苟同瀛氣喪疏不果上而正志竟謫宜君
典史奄人袁進等毆殺平民國欽再疏劾之十八年夏火

落赤諸部頻犯臨洮鞏昌七月帝召見時行等于皇極門
咨以方畧言邊備廢督撫乏調度欲大有所振飭時行以
欵貢足恃爲言帝曰欵貢亦不足恃若專務媚敵使心驕
意大豈有饜足時時行等奉諭而退未幾警報狎至乃推
鄭洛爲經畧尙書行邊實用以主款議也國欽抗疏劾時
行國欽疏上座主許國責之曰若此舉爲名節乎爲國家
乎國欽曰何敢爲名節惟爲國事耳卽言未當死生利害
聽之國無以難二十年吏部尙書陸光祖擬量移國欽爲
建寧推官饒伸爲刑部主事帝以二人皆特貶不宜遷切
責光祖而盡罷文選郎中王教員外郎葉隆光主事唐世
堯陳遴璋等大學士趙志皋疏救亦被譴責國欽後歷南
京刑部郎中卒

萬燦字闇夫恭孫也少好學砥礪名行舉萬歷四十四年

氏姓譜

卷三

十四願

萬氏

五

進士授刑部主事嘗疏論刑獄干和天啟初元兵事棘工
部需才調燦工部營繕主事督治九門垣墉市銅江南皆
勤于其職遷虞衡員外郎司鼓鑄時慶陵大工未竣費不
貲燦知內府廢銅山積可發以助鑄移牒內官監言之魏
忠賢怒不發燦遂具疏以請忠賢益怒假中旨詰責燦旋
進屯田郎中督陵務其時忠賢益肆廷臣楊漣等交擊卒
被嚴旨燦憤抗章極論其罪疏入忠賢大怒矯旨廷杖一
百斥爲民執政言官論救皆不聽當是時忠賢惡廷臣交
章劾已無所發忿思借燦立威乃命羣奄至燦邸摔而毆
之比至闕下氣息纔屬杖已絕而復甦羣奄更肆蹴踏越
四日卽卒時四年七月七日也忠賢恨猶不置羅織其罪
誣以贓賄三百燦廉吏破產乃竣崇正初贈光祿卿官其

一子福王時諡忠貞

萬元吉字吉人南昌人天啟五年進士授潮州推官補歸德捕大盜李守志散其黨崇正四年大計謫官十一年秋用曾櫻薦命以永州檢校署推官事居二年督師楊嗣昌薦其才改大理右評事軍前監紀嗣昌倚若左右手諸將亦悅服馳驅兵間未嘗一夕安枕嗣昌卒元吉丁內艱歸十六年起南京職方主事進郎中福王立仍故官四鎮不和元吉請奉詔宣諭又請發萬金犒高傑于揚州諭以大義令保江淮乃渡江詣諸將營傑與黃得功劉澤清方爭揚州元吉與得功書令共獎王室得功報書如元吉指乃錄其藁示澤清傑嫌漸解廷議以元吉能輯諸鎮擢太僕少卿監視江北軍務元吉數有條奏請修建文實錄復其尊稱并還懿文追尊故號祀之寢園以建文配而速褒靖難死事諸臣及近日北都四方殉難者以作忠義之氣從

氏姓譜

卷三

十四願

萬氏

五

之明年五月南京覆走福建歸唐王六月我

大清兵已取南昌袁州臨江吉安踰月又取建昌惟贛州孤懸上游兵力單寡會益府永寧王慈炎招降峒賊張安所號龍武新軍者也遣復撫州南贛巡撫李永茂乃命副將徐必達扼泰和扼大兵未幾戰敗至萬安遇永茂永茂遂奔贛八月叛將白之裔入萬安江西巡撫曠昭被執知縣梁于浹死之擢元吉兵部右侍郎兼右副都御史總督江西湖廣諸軍召張朝縱還以劉同升代元吉至贛同升已卒遂以元吉兼巡撫

順治三年三月楊廷麟將朝王元吉代守吉安初崇正末命中書舍人張同儼調雲南兵至是抵江西兩京已相繼失因退還吉安廷麟留與共守用客禮待之其將趙印選

胡一青頌立功而元吉約束甚嚴諸將漸不悅時有廣東兵亦以赴援至而新軍張安者汀贛間峒賊四營之一驍勇善戰既降有復撫州功且招他營盡降元吉以新軍足恃也蔑視雲南廣東軍二軍皆解體然安卒故爲賊居贛淫掠遣援湖西所過殘破及是

大兵逼吉安諸軍皆內攜新軍又在湖西城中軍不戰潰城遂破元吉退屯皂口檄諭贛州極言雲南兵棄城罪其衆遂西去四月

大兵逼皂口元吉不能禦入贛城

大兵乘勝抵城下給事中楊文薦奉命湖南過贛入城共守禦城中賴之文薦元吉門生也元吉素有才蒞事精敏及失吉安士不用命昏然坐城上對將吏不交一言隔河大營遍山麓指爲空營兵民從大營中至言敵勢盛輒叱

氏姓譜

卷五

十高願 萬氏

五

爲間諜斬之江西巡撫劉遠生令張琮者將兵趨湖東及贛圍急遠生自出城召琮于雩都贛人曰撫軍遁矣怒焚其舟拘遠生妻子俄遠生率琮兵至贛人乃大悔琮軍渡河抵梅林中伏大敗還至河爭舟多死于水遠生憤甚五月朔渡河再戰身先士卒遇

大兵被獲復逃歸而新軍先往湖西者聞吉安復失仍還雩都廷麟躬往邀之與

大兵戰梅林再敗乃散遣其軍而身入城與元吉同守自遠生敗援軍皆不敢前六月望副將吳之蕃以廣東兵五千至圍漸解未幾復合城中守如初至聞贛圍久獎勞之賜名忠誠府加元吉兵部尙書文薦右僉都御史使尙書郭維經來援維經與御史姚奇允沿途募兵得八千人元吉部將汪起龍率師數千雲南援將趙印選胡一青率驍

三千大學士蘇觀生遣兵如之兩廣總督丁魁楚亦遣兵四千廷麟又收集散亡數千先後至贛營于城外諸將欲戰元吉待水師至並擊而中書舍人來從譌募砂兵三千吏部主事龔棻兵部主事黎遂球募水師四千皆屯南安不敢下主事王其宥謂元吉曰水師帥羅明受海盜也桀鷲難制棻遂球若慈母之奉驕子且今水涸巨舟難進豈能如約不聽及八月

大兵聞水師將至卽夜截諸江焚巨舟八十死者無算明受遁還舟中火藥戎器盡失于是兩廣雲南軍不戰而潰他營亦稍稍散去城中僅起龍維經部卒四千餘人城外僅水師後營二千餘人參將謝志良擁衆萬餘零都不進廷麟調廣西狼兵八千人踰嶺亦不卽赴會聞汀州破人情益震懼十月初

氏姓譜

卷三

十四願 萬氏

五

大兵用嚮導夜登城鄉勇猶巷戰黎明兵大至城遂破元吉死之先是元吉禁婦女出城其家人潛載其妾縋城去元吉遣飛騎追還捶其家人故城中無敢出者及城被部將擁元吉出城元吉歎曰爲我謝贛人使闔城塗炭者我也我何可獨存遂赴水死年四十有四

萬觀字經訓南昌人弱冠成永樂十九年進士帝少之令歸肄學尋召爲御史改嚴州知府府東境七里瀧有漁舟數百艇時剽行旅觀編十舟爲一甲令畫地巡警不匝月盜屏跡乃勵學校勸農桑奏減織造以銀代絲稅民皆便之九年考績治行爲海內第一旣以憂去將除服嚴州民豫上章願復得觀爲守金衢民亦上章乞之朝廷異焉補平陽府政績益茂有芝生堯祠棟上士民皆言使君德化所致觀曰太守知奉職而已芝非吾事也考滿擢山東布

政使卒于官

萬琛字廷獻宣城人慷慨負氣節舉于鄉宏治中知瑞金縣十八年正月劇盜大至縣人洶洶逃竄有勸琛急去者琛斥之率民兵數十人迎敵殺賊二十餘人相持至明日力屈被執罵不絕口賊攢刺之乃死贈光祿少卿賜祭塋于廕

萬木新建人與同邑鄭山集鄉人結若自固賊黨謝重一馳入村二人執之積葦張睢陽廟前縛人馬生焚之濠黨不敢犯二人飲江上爲盜凌十一所逼趣見宸濠烙而椎之皆罵賊死

萬貴憲宗萬貴妃父也歷官錦衣衛指揮使貴頗謹飭每受賜輒憂形于色曰吾起掾史編尺伍蒙天子恩備戚屬子姓皆得官福過災生未知所終矣時貴妃方擅寵貴子

氏姓譜

卷三

十四願

萬氏

五

喜爲指揮使與弟通達等並驕橫貴每見諸子屑越賜物輒戒曰官所賜皆著籍他日復宣索汝曹將重得罪諸子笑以爲迂後卒如其言成化十年卒賻贈祭塋有加

萬斌字文質定遠人沈靜尚志節元季海內擾亂斌仗劍從太祖克滁和真三州授副千戶鎮滁洪武紀元調永平三年征沙漠大戰于阿魯完河死于敵長子鍾字榮祿襲副千戶十七年守禦定海累策軍功二十八年陞寧波衛指揮僉事三十二年從征花園亦死于敵孫武字世忠繼鍾僉寧波衛事永樂六年從黔國公征南蠻又力戰而死文字世學事母至孝十年承兄職十六年日本寇邊率海艦追斬盜首若干級明年轉禦挑渚忽颶風破舟溺焉一門四世皆死國事論者多之

萬宣字邦達當塗人刻志問學爲科舉文字滂沛明白

詩經頌薦屢會試不第卒業太學謁選吏部考居第一授河南陳州知州宣存心忠厚廉以自持與人交款曲有情至洫政剛果有爲約束吏胥無敢鴟張羅織病民者河南多攘劫寇宜善廉得之置于法者甚衆四境宴然立四義社學以金帛請賢師教民間子弟州民德之部使者上其績蒙賜誥旌異進階奉直大夫九載秩滿士夫贈牧民十詠以寓感恩意

萬叅號兩溪南昌人性行端潔理學淹貫歷官兵部尙書太子太保著有洞陽梓集等書行于世

萬鵬安陸人性孝友介直厲志古人尤嗜學工爲文詞稍稱道健少爲博士弟子屢試不遇棄而隱居授徒四境之士從遊者甚衆居喪舉行家禮喜醫每製方藥施人有司雅重之所著有史說藏于家

氏姓譜

卷三

十四類 萬氏

六

萬民望字兩虛邑庠生性耿介家貧處館爲養母年八十九流寇至負母而逃遇賊泣告願以身代賊殺之而貫其母兩臺旌其死孝焉

萬發祥名養正以字行新喻人孝友積學力行崇正進士改庶吉士甲申闖賊陷京師發祥絕粒飲藥不死聞馬世奇吳麟徵殉節往哭之被執賊脅之降擄掠亡完膚又臨以刃不爲動會賊敗去間闖南旋寓居吉州

萬祺字維壽南昌人爲郡功曹精星歷學正統間給由赴京除鴻臚主簿景帝不豫時有議召襄王者石亨詣祺問休咎對曰皇帝在南宮奚侯他求亨悟率衆逐英廟復辟久之亨以祺名奏歷陞部郎會曹欽反執尙書王翱學士李賢欲加害祺陳利害力救得免欽誅擢太常卿累官工

部尙書

萬士賢南海人宏治鄉舉正德間任靖安知縣瑪瑙崖之變士賢鑄兵器訓戰士築城鑿池建敵樓佐知府李承勛討平巨寇後宸濠反遣宋祥四涂景七募召瑪瑙餘黨士賢執祥四等斬以定衆志兵燹之後勦捕寇黨撫恤瘡痍省刑節用建射圃立社學文教聿興民至今稱之

萬衣號淺源德化人嘉靖進士初授南刑部主事類夢其父心動請急歸抵家九日而父沒服闋補北刑部奉命讞楚獄多所平反轉曲靖副使曲靖苗民雜處時有騷動調劑安堵不復爲患遷福建布政使時倭犯興化告急衣夜從間道趨莆田設奇兵待之賊薄城下斬首無算累官至河南左布政使積羨萬餘金盡以實常平諸倉今中州尙號爲萬公倉云未幾歸築草堂開三逕爲物外遊卒年八十一著有草馮子匡廬圖考人紀新書藏于家

氏姓譜

卷五

十四願

萬氏

六

萬虞愷字懋卿南昌人嘉靖進士授無錫知縣治尙寬大擢南京兵科給事中數與守備內臣露章爭事謂營兵不當充私役又謂操江都御史故常與守備參贊列坐而後爲權璫所抑設次西向非是及奏革宣成以來冒功陞襲者若干人歷山西左布政使累晉南京都察院右副都御史總督漕儲除京商和買之困又上便宜六事軍民頌德立碑于中和橋以刑部右侍郎致仕

萬廷言字以忠號思默南昌人虞愷子受業于陽明登進士第歷禮部郎中出爲提學僉事罷官歸杜門三十餘年匿迹韜光研幾極深晦庵之學得廷言而傳尤深于易三百八十四爻無非心體之流行不著爻象而又不離爻象自來說易者程傳而外未之或先也

萬敏字欽夫南昌人嘉靖進士知太倉州崇明有大隱士

秦沈三人利私讎而徇徽海上敏單舸詣縣召沈至榻前
款諭之且泣且受命王秦負險弗順將謀不利于敏亟浮
海入州城會上命湯帥勦諸海寇敏午治樓櫓至夕三百
艘畢具戰卒凡三千人牛酒之犒咄嗟而辦將士咸大悅
會戰湯帥以巨艦六十乘風而進敏殿之瞬息達崇明捕
斬無算敏慮其妄殺也矯中丞令大呼曰生擒者賞首級
者弗論師中擒二千人械送至訊釋平民千八百餘人得
劇盜百七十人置之法歷襄陽同知遷貴州僉事備兵畢
節居三年御史疏其才陟貴藩少參致仕

萬思謙字益父南昌人聞王伯安之學恍然有悟密探默
契歐陽文莊一見賞歎以爲聖門心印必屬斯人嘉靖進
士知嘉定縣會倭患棘乃城嘉定以備陞刑部主事改光
祿寺丞秩滿謁吏部長揖而出坐奪一月俸出爲四川參

氏姓譜

卷三

十四顯

萬氏

六

議累遷福建左布政使藩司前有麗譙面五虎山門故從
旁出思謙至闕正中門改山名曰五福竟無害閩人壯之
轉南京太常卿致書江陵相稱維世以禮容人以量願開
言路自引咎語江陵相故同年生意不能無望故陽遜謝
而言者伺其頤指露章引懸車例遂得致仕歸年甫六十
一耳著大學述古中庸述微平生粹行完操毫無愧怍所
居環堵壁立歿後十六年始克塋

萬建崑字季瑜南昌人虞愷之孫廷言之子萬歷進士除
荊州府推官人以年少易之及視事習爰書精讞決雖老
吏不如時江陵相籍貲產株連滋蔓建崑歎曰奈何以朽
骨示威稜請一切弛之嘗核長沙郡牘有以贖鍰故淹罪
人子孫者具狀請豁臺允之繳贖十金以下勿復追十五
都俱得視此以卓異徵故事未三十不與給事御史之選

當軸者重建崑才謂增年可得要地建崑持不可乃授鹽部儀制司主事教習駙馬益勤職業嘗曰溢而倖職以外靡而竦職以內兩無取焉時以爲名言會廷臣請預建太子建崑亦侃侃具疏宵人作蜚語揭之通衢金吾上其事神宗震怒治言者建崑謫武岡尉歸而從其父講學注易所造益深家食二十餘年臺使銓部交薦皆留中不下光宗登極擢南京尙寶司卿不數月而歿侍御陸師贄及同里宦游者資其含歛乃以喪歸建崑三世登顯仕而田宅不踰中人里中言清白吏者首稱焉

萬熹字闇卿南昌人生而值父暮年家道日落至無以爲養日課蒙計其所入充衣帛食肉之資勉勵發憤補弟子員父沒事母孝愈篤遇寢疾必同婦顛天願減已算延日夕萬歷丙午歲貢授浮梁訓導矜式多士惟以躬行實踐爲本却貧生入庠之贊甚貧者助以金遷吉水諭教思不倦如浮梁時鄒忠介倡道東南晉接必施隆禮歿廿餘年兩邑弟子員請祀名宦

萬尙烈字思文新建人諸生時卽以正學爲已任師事章聘君潢萬歷辛卯舉于鄉授建昌教諭歷擢邵武同知捐俸刻潢所集圖書編晉比部郎擢平越知府致仕歸杜門却掃益肆力于性命之學中丞解學龍督學陸之祺蔡懋德皆請主澹臺祠太史金聲請主新安還古書院年九十

五卒所著有四書測易贊測詩述傳測聞學雜記

萬時華字茂先南昌人父民命馬湖太守時華生而穎異諸經子史無不歷覽成誦家宰李長庚任江西布政時合十三郡能文者爲豫章社于南昌首時華與萬曰桂喻全禛時華尤爲所推服工詩暨古今詞自萬歷間古近體率

競聲響亡性情公安袁宏道力矯之一變爲長吉而楚淵
無餘味竟陵譚元春又力矯之一變而劉長卿爲寒胸儉
腹借口時華曰詩豈可如是耶乃益取陶謝李杜諸家而
寢食之不襲前人不循近派格惟其高語惟其淡遠古文
權衡于柳子厚而雜以永叔曰子厚能奇峭不能叙事永
叔能叙事也一時以碑版誌銘傳記序錄請者無虛日負
海內重名幾四十年卒艱于一第崇正中保舉守令詔下
布政使朱之臣列以品行聞于朝應徵北上抵維揚輒病
竟不起生平事父孝友于弟與人無疾言遽色廉讓節儉
退然若不勝衣于古今得失國家是非時政利害識始慮
終議論之所及節槩之所操持雖賁育慶忌不能奪也學
使侯峒曾稱之曰真儒舉而祀之學宮所著有澗園初集
澗園二集園居田居東湖集又詩經偶箋習毛鄭者宗之

氏姓譜

卷三

十四願

萬氏

奇

萬一之字不二南昌人讀書務解大意喜酒好客酒後耳
熱抵掌論前人興廢事鑿鑿有據人有善必詡之有過面
諍不撓不佞佛不媚權豪事父母至孝天啟乙丑子元吉
登第逢熹廟皇嗣慶成許進士榮其所生寓書貲封于祖
然按會典款例不合意鬱鬱是秋疾革諄諄以父歿未葬
母老失養爲憾又遺命勿厚葬當視大父其不忘親如此
萬霽字季丙安福人宣德庚戌進士授陽朔知縣地僻俗
陋惰于耕作霽至令民墾土田春耕時具酒脯躬自勸勞
令樹藝麻粟木綿課婦女紡織由是遂爲沃壤又新學校
選俊秀躬爲訓課嫁娶葬祭各有品節民立祠祀之

歷代列女

萬氏密縣人王佐妻佐疾亟顧萬氏曰我死後汝善事人

萬氏泣誓曰吾與汝同死豈能再適須臾佐卒是夜萬氏

自縊遂双棺合葬洪武中有司上其事特詔旌表之

萬氏新建人鄧梧妻也年二十五梧卒萬氏哀絕期與同死父母以姑老子幼諭之遂剪髮毀容誓不再適專勤織紉甘爲淡薄塋故舅事繼姑俱盡禮撫孤訓孫俱成立邑侯給貞節扁額以表其門

萬氏處州龍泉縣人李若問妻也李死萬誓不再適有富室求婚父姑欲奪其志萬氏就枕上繡梅詩一首以示意云灑灑英標別樣奇歲歲心事有誰知妾心正欲同貞白枕上殷勤繡一枝求者遂寢

萬氏萬縣人陳節婦也于丙戌年譚宏籍民爲兵立營江上會溪北山人陳一旺等據天城坑之因是譚宏發兵圍城于七月二十四日城破被執賊于懷中取乳兒投之氏亦不顧知其不免給以夫有金藏于崖畔賊隨至崖氏

氏姓譜

卷三

十四願

萬氏

五

奮身墜崖而死

萬氏陳思器妻也器早故氏年二十矢志不二依祖姑孫氏寢處訓遺孤邦符力學有成凜米霜三十餘年卒年五十二有司以聞勅旌其門

萬氏名月娘新城人萬制三女許聘羅篋未委禽而篋卒後父欲更許字月娘泣曰天可容二日乎踰年父卒月娘年甫二十事母極孝日與母勤績紡闔門謹守卒于家

萬氏名棄劉復立之妻鍾山之幼女也生而秀朗通女孝經及女史列傳諸篇年甫十三歸復立舅姑咸稱其少而知禮逾四年而復立忽遽疾云逝矣棄時年十六未有胤嗣里族或有異議者棄聞之泣曰我生自名家我父明經庠序嘗聞忠臣不事二君烈女不更二夫但堂上二姑無託不卽死耳有子無子吾命也何計邪遂以共姜自矢孝

事二姑服則理諸經職足不出戶家人雖五尺童子不及面焉一日父鍾山受書太學歸哀女之孀居欲令其返思以溫慰之女竟不行雖女婢促之數四益堅拒焉其槁鴛類如此君子難之

萬義姑名義頤字祖心鄞人寧波衛指揮僉事鍾女也幼貞靜善讀書兩兄文武皆襲世職戰死旁無期功之親繼母曹氏兩嫂陳氏吳氏皆盛年孀居吳遺腹僅六月姑且暮拜天哭告曰萬氏絕矣願天賜一男續忠臣後我矢不嫁共撫之已果生男名之曰全始喜曰萬氏有後矣乃與諸妾共守名閨來聘皆謝絕之訓全讀書迄底成立全嗣職傳子禧孫椿皆奉姑訓惟謹姑年七十餘卒姑之祖斌及父兄並死王事母及二嫂守貞數十年姑更以義著鄉人重之稱爲四忠三節一義之門

氏姓譜

卷三

十四頤

萬氏

六

萬氏和州儒士姚守中妻泉州知府慶女孫也生六子皆有室崇正八年流賊陷其城慟哭孀姑前命諸婦曰我等女子也誓必死節諸子環泣急麾之曰汝輩男子當圖存宗祀何泣焉長子承舜泣曰兒讀書惟識忠孝字耳願爲厲鬼殺賊何忍母獨死遂負母投于塘諸婦女孫相隨死者十數人僅存子希舜求其屍共聚塘塢無一相離者

萬氏南海人王受祖妻也洪武中蘇友輕作亂萬氏爲官軍所獲獻于南海衛指揮盧諸諸愛其才美欲納之萬氏號泣投衣于火諸怒以刃臨之萬氏唾罵不輟就死于南門外聞者爲之流涕

萬氏南昌萬獻女年二十歸閔邦燦甫半載邦燦商遊三年歸溺鄱陽湖萬聞之哀痛期于必死舅姑勸止之不從延其母諷諭之萬佯諾一夕具服從容就縊死

萬氏女字會貞新建萬國隆女許字南昌胡欽恭後欽基
痘瘍會貞聞訃痛哭莫禁稍甦易縞衣白母欲隨其喪母
及家人力阻之及聞殯出曰何不待我憑棺一哭耶自是
以死自訣家人防之甚周一日佯解顏色理髮整衣忽遣
二婢出登樓自經時年十七萬歷間旌表

萬氏女字考英新建萬言女許聘閔士毅會士毅病篤考
英求侍湯藥父母難之及訃聞一哭幾絕易縞衣願隨父
往致奠不可慟哭益甚諸母勸慰多方竟弗解職母往治
庖饌潛詣密室自縊死

萬氏樂安人曾希仁妻生三女長者尙未嫁幼者亦及笄
至正壬辰之亂聞寇將至三女同請于母曰時事至此度
不能免苟或失身而生上負父母教且何以爲人願自裁
母許之乃具酒饌飲食畢母女四人俱縊死

氏姓譜

卷三

十四願 萬氏

卷

萬氏德化人方伯萬衣長女贅諸生文士良爲壻育二女
而士良卒萬號哭欲殉者數矣年甫二十有七父母逆其
志不可辱曰汝家無舅伯叔尙五人可養汝依兄弟以老
氏勉從之然歲時伏臘孝敬于姑者倍膝下也崇正間主
事文德翼及堯一共疏于朝請旌會亂未果

順氏

子爵順子泮之國也今陳州南頓卽其地定十四年楚
滅之子孫以國爲氏魏志華佗傳有督郵頓子獻漢有
頓肅爲郡陽長望出魏郡宋世登科頓起頓躉蔡州人

歷代名賢

周

頓弱秦人也當秦王政時王欲見弱弱曰臣之義不參拜
王能使臣無拜則可矣不卽不見也王許之于是弱曰天

下有有其實而無其名者有無其實而有其名者有無其名又無其實者王知之乎有其實而無其名者商人是也無把鈔挂耨之勢而有積粟之實此有其實而無其名者也無其實而有其名者農夫是也解凍而耕暴背而耨無積粟之實此無其實而有其名者也無其名又無其實者王乃是也已立爲萬乘無孝之名以千里養無孝之實王勃然而怒弱曰山東戰國有六威不掩于山東而掩于母臣竊爲大王不取也王曰山東之戰國可兼與弱曰韓天下之咽喉魏天下之胷腹王資臣萬金而游聽之韓魏入其社稷之臣于秦卽韓魏從而天下可圖也王曰寡人之國貧恐不能給也弱曰天下未嘗無事也非從卽橫橫成則秦帝從成則楚王秦帝卽以天下恭養楚王雖有萬金弗得私也王曰善乃資萬金使東遊韓魏入其將相北遊

氏姓譜

卷三

五願

頓氏

六

燕趙而殺李牧齊入朝四國畢從頓弱之說也

頓琦字孝翼蒼悟人居母喪獨身立墳歷年乃成手種松栢成行哀毀踰制感物通靈有飛鳧白鳩棲窻廬側見人輒去見琦而留南齊永明中范雲爲州刺史使祭琦焉

宋

頓起元祐進士熙寧中爲教授通判泰州嘗過景德寺禱故相富文忠公像令張范祠扁曰三賢堂與東坡友善

明

頓謙長垣人成化舉人內鄉知縣

頓質睢寧人宏治中萊州府經歷

頓易永安人萬歷間壽州衛經歷

獻氏姬姓晉獻公後見風俗通戰國時有秦大夫獻則

建氏 芾姓風俗通楚太子建之後漢元后傳有建居趙幽王巨有建德

蔓氏 楚有鬪成然食采于蔓曰蔓成然其後以邑為氏
遜氏 見姓苑唐遜揆為李克用擒罵不絕口克用鋸之揆曰狗奴鋸人當以板束

憲氏 姓纂云周之憲官司寇之屬也急就章有憲義渠元憲德明大德間任福州路總管明憲章代州人嘉靖間荊州府經歷

良氏 見姓苑漢良當註樂經

梵氏 見姓苑宋梵禹俞連江人紹興進士

漫氏 見姓苑明漫智忻州人宣德舉人

愛氏 音萬見直音

寸氏 見姓苑明寸居敬浪穹人嘉靖四川梓潼知縣

氏姓譜

卷五

十四顧

建氏至

充

曼氏 見姓苑漢五行志有曼備

巽氏 見姓苑燉氏音窳見直音

去聲

翰氏 見姓苑周有曹大夫翰胡

段氏

出自姬姓鄭武公子共叔段其孫以王父字為氏漢有北地都尉邛世居武威十四世孫後魏晉興太守紛五世孫偃師徙河南又按通志三輔決錄云段干木子隱如入關去于字漢文帝時段邛成帝時段會為西域都護後漢桓帝世段頗為太尉皆其裔也

歷代名賢

周

段規 韓人晉舊姓事韓康子智伯伐范中行氏滅之休數

年使人請地于韓康子欲勿與段規諫曰不可夫智伯之爲人也好利而鷙請地不與必加兵于韓矣君其與之彼徂又將請地于他國他國不聽必鄉之以兵然則韓可以免于難而待事之變康子曰善使使致萬家之邑一于智伯智伯又使人請地于魏魏桓子乃與之萬家之邑一于智伯因索蔡皋狼于趙趙勿與因圍晉陽韓魏反于外趙氏應于內智氏遂亡三晉已破智氏將分其地段規謂韓康子曰分地必取成皋曰成皋石溜之地也無所用之規曰不然臣聞一里之厚而動千里之權者地利也萬人之衆而破三軍者不意也君用臣言則韓必取鄭矣康子曰善果取成皋至韓之取鄭也果從成皋始大

漢

段會宗字子松天水上邦人也竟寧中以杜陵令五府舉

氏姓譜

卷三

十五翰

翰氏

七

爲西域都護驕都尉光祿大夫西域敬其威信三歲更盡遷拜爲沛郡太守以單于當朝徙爲鴈門太守數年坐法免西域諸國上書願得會宗陽朔中復爲都護會宗爲人好大節矜功名與谷永相友善谷永聞其老復遠出予書戒之會宗旣出諸國遣子弟郊迎小昆彌安日前爲會宗所立德之欲往謁諸侯止不聽遂至龜茲謁城郭甚親附康居太子保蘇匿率衆萬餘人欲降會宗奏狀漢遣衛司馬逢迎會宗發戍已校尉兵隨司馬受降司馬畏其衆欲令降者皆自縛保蘇匿怨望舉衆亡去會宗更盡還以擅發戍已校尉之兵乏與有詔贖論拜爲金城太守以病免歲餘小昆彌爲國民所殺諸侯大亂徵會宗爲左曹中郎將光祿大夫使安輯烏孫立小昆彌兄末振將定其國而還明年末振將殺大昆彌會病死漢恨誅不加元延

中復遣會宗發戍已校尉諸國兵卽誅末振將大子番郎
會宗恐大兵入烏孫驚番郎亡逃不可得卽留所發兵塹
婁地選精兵三十弩徑至昆彌所在召番郎責以末振將
骨肉相殺殺漢公主子孫未伏誅而死使者受詔誅番郎
卽手劍擊殺番郎官屬以下驚恐馳歸小昆彌烏犂靡者
末振將兄子也勒兵數千騎圍會宗會宗爲言來誅之意
今圍守殺我如取漢牛一毛耳宛王郅支頭懸橐街烏孫
所知也昆彌以下服曰末振將負漢誅其子可也獨不可
告我令飲食之邪會宗曰豫告昆彌逃匿之爲大罪卽飲
食以付我傷骨肉恩故不先告昆彌以下號泣罷去會宗
還奏事公卿議會宗權得便宜以輕兵深入烏孫卽誅番
郎宜明國威宜加重賞天子賜會宗爵關內侯黃金百斤
是時小昆彌季父卑爰覺擁衆欲害昆彌漢復遣會宗使

氏姓譜

卷五三

五翰

段氏

七一

安輯與都護孫建并力明年會宗病死烏孫中年七十五
矣城郭諸國爲發喪立祠焉

段熲字紀明會宗之從曾孫也熲少便習弓馬尙遊俠輕
財賄長乃折節好古學初舉孝廉爲憲陵園丞陽陵令所
在能政遷遼東屬國都尉時鮮卑犯塞熲卽率所領馳赴
之旣而恐賊驚去乃使驛騎詐齎璽書詔熲于道僞退
潛于還路設伏虜以爲信然乃入追熲熲因大縱兵悉斬
獲之坐詐璽書伏重刑以有功論司寇刑竟徵拜議郎時
太山琅邪賊東郭寶公孫舉等聚衆三萬人破壞郡縣遣
兵討之連年不克永壽二年桓帝詔公卿選將有文武者
司徒尹詒薦熲乃拜爲中郎將擊寶舉等大破斬之獲首
萬餘級餘黨降散封熲爲列侯賜錢五十萬除一子爲郎
中延熹二年遷護羌校尉會燒當燒何當煎勒姐等八種

羌寇隴西金城塞頰將兵及湟中義從羌萬二千騎出隴
谷擊破之追討南渡河使軍吏田晏夏育募先登懸索相
引復戰于羅亭大破之斬其酋豪以下二千級獲生口萬
餘人虜皆降走明年春餘羌復興燒何大豪寇張掖攻沒
鉅鹿塢殺屬國吏民又招同種千餘落并兵晨奔頰軍頰
下馬大戰至日中刀折矢盡虜亦引退頰追之且鬪且行
晝夜相攻割肉食雪四十餘日遂至河首積石山出塞二
千餘里斬燒何大帥首虜五千餘人又分兵擊石城羌斬
首溺死者千六百人燒當種九十餘口詣頰降又雜種羌
屯聚白石頰復進擊首虜三千餘人冬勒姐零吾種圍允
街殺略吏民頰排營救之斬獲數百人四年冬上郡沈氏
隴西牢姐烏吾諸種羌共寇并涼二州頰將湟中義從討
之涼州刺史郭闕貪共其功稽固頰軍使不得進義從役

氏姓譜

卷三

十五翰

段氏

三

久戀鄉舊皆悉反叛郭闕歸罪于頰頰坐徵下獄輸作左
校羌遂陸梁覆沒營塢轉相招結唐突諸郡于是吏人守
闕訟頰以千數朝廷知頰爲郭闕所誣詔問其狀頰但謝
罪不敢言枉京師稱爲長者起于徒中復拜議郎遷并州
刺史時滇那等諸種羌五六千人寇武威張掖酒泉燒人
廬舍六年寇勢轉盛涼州幾亡冬復以頰爲護羌校尉乘
驛之職明年春羌封侈良多滇那等酋豪三百五十五人
率三千落詣頰降當煎勒姐種猶自屯結冬頰將萬餘人
擊破之斬其酋豪首虜四千餘人八年春頰復擊勒姐種
斬首四百餘級降者二千餘人夏進軍擊當煎種于湟中
頰兵敗被圍三日用隱士樊志張策潛師夜出鳴鼓還戰
大破之首虜數千人頰遂窮追展轉山谷間自春及秋無
日不戰虜遂飢困敗散北略武威間頰比破西羌斬首二

萬三千級獲生口數萬人馬牛羊八百萬頭降者萬餘落封頰都鄉侯邑五百戶永康元年當煎諸種復反合四千餘人欲攻武威頰復追擊于鸞鳥大破之殺其渠帥斬首三千餘級西羌于此弭定而東羌先零等自覆沒征西將軍馬賢後朝廷不能討遂數寇擾三輔其後度遼將軍皇甫規中郎將張奐招之連年旣降又叛建寧元年春頰將兵萬餘人齎十五日糧從彭陽直指高平與先零諸種戰于逢義山虜兵盛頰衆恐頰乃令軍中張鑠利刃長矛三重挾以強弩列輕騎爲左右翼激怒兵將曰今去家數千里進則事成走必盡死努力共功名因大呼衆皆應聲騰赴頰馳騎于傍突而擊之虜衆大潰斬首八千餘級獲牛馬羊二十八萬頭時實太后臨朝下詔賜頰錢二十萬以家一人爲郎中勅中藏府調金錢綵物增助軍費拜頰破

氏姓譜

卷三

十五翰

段氏

七三

羌將軍夏頰復追羌出橋門至走馬水上尋聞虜在奢延澤乃將輕兵兼行一日一夜二百餘里晨及賊擊破之餘虜走向落川復相屯結頰乃分遣騎司馬田晏將五千人出其東假司馬夏育將二千人繞其西羌分六七千人攻圍晏等晏等與戰羌潰走頰急進與晏等共追之于合鮮水上頰士卒飢渴乃勒衆推方奪其水虜復散走頰遂與相連綴且鬪且引及于靈武谷頰乃被甲先登士卒無敢後者羌遂大敗棄兵而走追之三日三夜士卒皆重繭旣到涇陽餘寇四千落悉散入漢陽山谷聞時張奐上言東羌雖破餘種難盡頰性輕果慮負敗難常宜且以恩降可無後悔詔書下頰頰復上疏雪之并陳討之策二年詔遣謁者馮禪說降漢陽散羌頰以春農百姓布野羌雖暫降而縣官無廩必當復爲盜賊不如乘虛放兵勢必殄滅夏頰

百進營去羌所屯凡亭山四五十里遣田晏夏育將五千
人據其山上羌悉眾攻之厲聲問曰田晏夏育在此不惶
中義從羌悉在何面今日欲決死生軍中恐晏等勸激兵
士殊死大戰遂破之羌眾潰東奔復聚射虎谷分兵守諸
谷上下門頰規一舉滅之不欲復令散走乃遣千人于西
縣結木爲柵廣二十步長四十里遮之外遣晏育等將七
千人銜枚夜上西山結營穿塹去虜一里許又遣司馬張
愷等將三千人上東山虜乃覺之遂攻晏等分遮汲水道
頰自率步騎進擊水上羌却走因與愷等挾東西山縱兵
擊破之羌復敗散頰追至谷上下門窮山深谷之中處處
破之斬渠帥以下萬九千級獲牛馬驢騾氈裘廬帳什
物不可勝數馮禪等所招降四千人分置安定漢陽隴西
三郡于是東羌悉平凡百八十戰斬三萬八千六百餘級

氏姓譜

卷三

五翰

段氏

七四

獲牛馬羊騾驢駱駝四十二萬七千五百餘頭費用四十
四億軍士死者四百餘人更封新豐縣侯邑萬戶頰行軍
仁愛士卒疾病者親自瞻省手爲裹創在邊十餘年未嘗
一日虜寢與將士同若故皆樂爲死戰三年春徵還京師
將秦胡步騎五萬餘人及汗血千里馬生口萬餘人詔遣
大鴻臚持節慰勞于鎬軍至拜侍中轉執金吾河南尹有
盜發馮貴人家坐左轉諫議大夫再遷司隸校尉頰曲意
宦官故得保其富貴遂黨中常侍王甫枉誅中常侍鄭颯
董騰等增封四千戶并前萬四千戶明年代李咸爲太尉
其冬病罷復爲司隸校尉數歲轉頰川太守徵拜太中大
夫光祿二年復代橋元爲太尉在位月餘會日食自劾有
司舉奏詔收印綬詣廷尉時司隸校尉陽球奏誅王甫并
及頰就獄中詰責之遂飲鴆死家屬徙邊後中常侍呂張

上疏追訟頌功靈帝詔頌妻子還本郡初頌與皇甫威明張然明並知名顯達京師稱爲涼州三明云

段翳字元章廣漢新都人也習易經明風角時有就其學者雖未至必豫知其姓名嘗告守津吏曰某日當有諸生來學積年自謂略究要術辭歸鄉里翳爲合膏藥并以簡書封于筒中告生曰有急發視之生到葭萌與吏爭度津吏搥破從者頭生開筒得書言到葭萌與吏鬪頭破者以此膏裹之生用其言創者卽愈生歎服乃還卒業翳遂隱居竄迹終于家

段灼字休然敦煌人也世爲西土著姓果直有才辯少仕州郡稍遷鄧艾鎮西司馬從艾破蜀有功封關內侯累遷

議郎武帝卽位灼上疏追理鄧艾功帝省表甚嘉其意後復陳時宜灼前後陳事輒見嘉覽然身微宦孤不見進序乃取长假還鄉里臨去遣息上表書奏帝覽而異焉擢爲明威將軍魏興太守卒于官

段榮字子茂姑臧武威人也祖信任沮渠氏後入魏以豪族徙北邊仍家于五原郡父連安北府司馬榮少好歷術專意星象正光初詔人曰吾今觀元象察人事不及十年當有亂矣亂起此地天下因此橫流無所避也未幾如言榮初之杜洛周因奔爾朱榮後高祖起兵榮贊成之高祖

南討鄴留榮鎮信都仍授定州刺史時攻鄴木克榮轉輸無闕高祖入洛論功封姑臧縣侯轉授瀛州刺史榮妻武明皇后長姊也榮恐高祖招私親之議固推諸將竟不之

氏姓譜 卷三十一 十五翰 段氏 七五

州尋歷相濟秦三州所在民吏愛之初高祖將圖關右榮
盛稱未可及渭曲敗高祖曰不用段榮言以至于此尋除
山東大行臺領本州流人大都督甚得物情大象二年五
月卒年六十二贈太尉諡曰昭景皇建初配饗高祖廟庭
二年重贈大司馬尚書令武威王長子韶嗣

段韶字孝先少工騎射有將領才畧高祖以武明皇后姊
子益器愛之常置左右以爲心腹領親信都督高祖拒爾
朱兆于廣阿憚兆兵衆韶曰所謂衆者得衆人之死所謂
強者得天下之心爾朱裂冠毀冕拔本塞源卽山之會搢
紳何罪兼殺主立君不脫旬朔天下思亂十室而九王躬
昭德義除君側之惡何往而不克哉高祖曰吾雖以順討
逆恐無天命韶曰聞小能敵大小道大淫皇天無親唯德
是輔今爾朱外賊天下內失善人知者不爲謀勇者不爲

氏姓譜一

卷五

十五翰

段氏

七六

闕不肖失職賢者取之復何疑也遂與兆戰敗之頗以軍
功封下洛縣男後恩賜父榮姑臧縣侯卽山之役爲賀拔
勝所窘韶從傍馳馬反射斃其馬追騎莫敢前遂免賜鞍
下馬并金進爵爲公及征玉壁攻城未下高祖不豫謂大
司馬斛律金司徒韓軌左衛將軍劉豐等曰吾每與段孝
先論兵殊有英畧若使比來用其謀可無今日之勞矣吾
患危篤欲委孝先以鄴下事若何金等咸曰知臣莫若君
實無出孝先者仍令韶從顯祖鎮鄴召世宗赴軍顧命世
宗以孝先爲託合軍旅大事宜共籌之及高祖崩侯景反
世宗還鄴留韶守晉陽委以軍事加驃騎大將軍開府儀
同三司顯宗受禪除尚書右僕射遷冀州刺史天保四年
梁將東方白額潛至宿預詔徵韶討之既至會梁將嚴超
達等軍逼涇州又陳武帝將攻廣陵尹令思謀襲取昭三

軍威懼詔謂諸將曰自梁氏喪亂國無定主人懷去就霸
先外託同德內有離心吾揣之熟矣乃留儀同三司敬顯
儁等圍守宿預自倍道赴涇州塗出盱眙令思不虞大軍
卒至望旗奔北進破超達軍迴赴廣陵陳武帝遁走旋師
宿預遣辯士喻白額白額開門請盟盟訖度白額終不爲
用斬之并其諸弟傳首京師封平原郡王歷司空司徒大
將軍尚書令太子太師以繼母憂去職尋起爲大司馬仍
爲尚書令遷錄尚書事并州刺史後與東安王婁叡平高
歸彥遷太傅仍莅并州爲政不存小察甚得民和周武帝
遣將率羌夷與突厥合衆逼晉陽世祖自鄴倍道赴救時
大雪諸將或欲逆之詔曰不如陣以待之彼勞我逸破之
必矣遂大破之進位太師周冢宰宇文護母闞氏先配中
山宮護聞闞尙存乃因邊境移書請還其母并通隣好詔

氏姓譜

卷五

十五翰

段氏

七

以爲讓外託爲相其實王也既爲母請和不遣一介之使
據移送書恐示以弱且外許之待通後放之未晚不聽遂
遣使以禮將送護既得母仍遣將尉遲迴等襲洛陽詔遣
蘭陵王長恭大將軍斛律光擊之軍次邙山下逗留未進
世祖召詔欲赴洛陽圍但以突厥爲慮詔曰北虜侵邊事
等疥癬今西羌闖逼便是膏肓之病世祖仍令部督精騎
一千發自晉陽五日便濟河遇周軍于大和谷與諸將結
陣以待之詔爲左軍蘭陵王爲中軍斛律光爲右軍上山
逆戰詔且却且引待其力斃乃下馬擊之周人大潰洛城
圍亦卽奔遁除太宰封靈武縣公天統三年除左丞相永
昌郡公食滄州幹武平二年出晉州道到定隴築威敵敵平
寇二城而還二月周師來寇遣詔與右丞相斛律光太尉
蘭陵王長恭同往行達西境有柏谷城者敵之絕險諸將

莫肯攻圍韶曰汾北河東勢爲國家之有若不去柏谷事
同痼疾計彼援兵會在南道今斷其要路救不能來城勢
雖高其中甚狹火弩射之一旦可盡遂攻之城潰仍城華
谷置戍而還封廣平郡公是月周又遣將寇邊斛律光先
率師出討韶亦請行五月攻服秦城周人于姚襄城南更
起城鎮韶乃抽壯士從北襲之又遣人潛度河告姚襄城
中令內外相應合戰大破之諸將咸欲攻其新城韶曰此
城一面阻河三面地險不可攻不如更作一城壅其要路
破服秦併力圖之從之六月從圍定陽七月屠其外城時
韶病在軍中謂藺陵王曰此城三面重濶竝無走路唯恐
東面一處耳賊若突圍必從此出長恭乃設伏其夜果如
所策伏兵擊之大潰韶竟以疾薨上舉哀東堂贈溫明祕
器輜輳車軍校之士陣衛送至平恩墓所發卒起家贈假

氏姓譜

卷三

五翰

段氏

七

黃鉞相國太尉錄尚書事謚忠武韶出總軍旅入參帷幄
功旣居高重以媿媯望傾朝野長于計畧善于御衆得將
士之心又雅性溫慎有宰相之風教訓子弟閨門雍肅事
後母以孝聞齊世勲貴家罕有及者

段懿字德猷韶長子有姿儀頗解音樂又善騎射天保初
尚穎川長公主累遷行臺右僕射兼殿中尚書出除兗州
刺史卒于寶鼎嗣

段深字德深韶次子美容貌寬謹有父風天保中受父封
姑臧縣公大寧初拜通直散騎侍郎二年詔尙永昌公主
未婚主卒清河三年又詔尙東安公主以父頻著大勲累
遷侍中將軍源州大中正食趙郡幹韶病篤詔封深濟北
王以慰其意武平末徐州行臺左僕射徐州刺史入周拜

大將軍薨公坐事死

段進不知何許人也世祖初爲白道守將蠕蠕大檀入塞圍之方屈被執抗聲大罵遂爲賊殺世祖愍之追贈安北將軍賜爵顯美侯諡曰莊

唐

段志元齊州臨淄人父偃師仕隋爲太原司法書佐從義師官至郢州刺史志元資質偉岸少無賴數犯法大業末從父客太原以票果諸惡少年畏之爲秦王所識高祖興以千人從授右領大都督府軍頭下霍邑絳郡攻永豐倉崔鋒最歷左光祿大夫從劉文靜拒屈突通于潼關文靜爲柔顯和所襲軍且潰志元率壯騎馳賊殺十餘人中流矢忍不言突擊自如賊衆亂軍乘之唐兵復振逼敗走與諸將躡獲于稠桑以多授樂游府車騎將軍從討王世充深入馬跌爲賊禽兩騎夾持其髻將度洛志元忽騰而上

氏族譜

卷五

五翰

段氏

七

二人者俱墮于是奪其馬馳歸尾騎數百不敢近破竇建德平東都遷秦王府右二護軍隱太子嘗以金帛納之拒不納秦王卽位累遷左驍衛大將軍封樊國公實封九百戶詔率兵至青海奔吐谷渾牧馬逗留免未幾復職交德皇后之葬與宇文士及勒兵衛章武門太宗夜遣使至二將軍所士及披戶內使志元拒曰軍門不夜開使者示手詔志元曰夜不能辨不納比曙帝歎曰真將軍周亞夫何以加改封褒國公歷鎮軍大將軍貞觀十六年疾帝臨視泣顧曰當與卿子五品官頓首謝請與母弟乃拜志臧左衛副將及卒帝哭之慟贈輔國大將軍楊州都督陪葬昭陵諡曰壯肅三世孫文昌

段文昌

字墨卿一字景初世客荊州疏爽任義節不爲讎讎小行節度使裴胄禮之胄探古今禮要爲書數從文昌

質判所疑後依劔南節度韋皋表爲校書郎宰相李吉甫才之擢登封尉集賢校理再遷左補闕憲宗數欲親用頗爲韋貫之苛詆偃蹇不得進貫之罷引爲翰林學士遷中書舍人遂爲承旨穆宗卽位屢召入思政殿顧問率至夕乃出俄拜中書侍郎同中書門下平章事未踰年自表還政授劔南西川節度使同平章事文昌素諳蜀利病大抵治寬靜間以威斷不常任也羣蠻震服長慶二年黔中蠻叛觀察使崔元略以聞文昌使一介開曉蠻卽引還彭濮蠻大會蹉祿來請立石刊誓修貢獻入遷兵部尙書文宗立拜御史大夫進封鄒平郡公俄檢校尙書右僕射平章事節度淮南大和四年檢校左僕射徙帥荊南州或旱禱解必雨或久雨遇出游必霽民爲語曰早不苦禱而雨兩不愁公出游南詔襲南安帝以文昌得蠻夷心詔使下

氏姓譜

卷三

十五翰

段氏

公

檄尉讓卽日解而去復節度西川九年卒贈太尉文昌先墓在荊州歲時享祠必薦以音樂歌舞習禮者譏其非少羈窶所向少諧及居將相享用奢侈士議尤替子成式

段成式字柯古推蔭爲校書郎博學彊記多奇篇祕籍侍父于蜀以畋獵自放文昌遣吏以其意諫止明日以雉兔徧遺幕府人爲書因所獲儼前世事無複用者衆大驚擢累尙書郎爲吉州刺史終太常少卿著酉陽書數十篇子安節乾寧中爲國子司業善樂律能自度曲云

段秀實字成公本家姑臧曾祖濬仕爲隴州刺史留不歸更爲汧陽人秀實六歲母疾病不勺飲至七日病聞乃肯食時號孝童及長沈厚能斷慨然有濟世意不屑搜章擿句天寶四載從安西節度使馬靈督討護密有功畧府偏將又從高仙芝討大食圍怛邏斯城會虜救至仙芝兵

郤士夜相失聞副將李嗣業聲因責曰憚敵而奔非勇也
免已陷衆非仁也嗣業慙乃與同收散卒復成軍而還署
安西節度判官遷隴州大推府果毅後從封常清討大勃
律次賀薩勞城戰勝逐北知其以羸師餌我大索果得伏
兵殲之改綬德府折衝都尉肅宗詔嗣業以安西兵五千
赴靈武節度使梁宰欲留觀變嗣業陰可秀實責曰今天
子方急乃欲晏然公常自稱大丈夫某謂誠兒女子耳嗣
業因固請出師引以爲副會父喪免表起爲義王友仍充
節度判官安慶緒奔鄴嗣業與諸將圍之輜重在河內署
秀實兼懷州長史知州事時師老財乏督餽係道募土市
馬以助軍及聞嗣業卒卽遣白孝德書使發卒護喪送河
內親與將吏迎諸境傾私財塋之代者荔非元禮高其義
奏擢試光祿少卿俄而元禮復被殺將佐多死士卒素服

氏姓譜

卷五

十五倫 段氏

八一

秀實恩信皆羅拜不敢害更推孝德代之自此凡佐三府
益知名時吐蕃襲京師勸孝德卽日入援從鎮邠寧署試
太常卿充度支營田副使會乏食徙屯奉天畿內公廩亦
竭吏皆逃去軍輒散剽孝德不能制乃以秀實知奉天行
營事號令嚴一軍中畏戢兵還薦爲涇州刺史時郭晞領
行營兵屯邠州士放縱不法多納嗜惡者賄竄名伍中白
晞天子以生人付公治何見人被暴害尙恬然耶因請
檄署爲都虞候俄有十七人入市取酒刺酒翁壞釀器秀
實列卒取之悉斷首植市門外一營大譟盡甲孝德恐曰
奈何秀實曰請辭于軍乃解佩刀選老嫗一人持馬至晞
門甲者出秀實顧笑曰殺一老卒何甲也吾戴吾頭來矣
甲者愕眙因曉之曰尙書負若屬邪副元帥負若屬邪奈

何欲以亂敗郭氏晞出曰副元帥功塞天地當務始終今
尙書恣卒爲暴使亂天子邊事欲誰歸罪人皆曰尙書以
副元帥故不戢士然則郭氏功名其存者幾何晞再拜曰
公幸教晞卽此左右皆解甲令曰敢讎者死已乃設具就
食食已稱疾作願留宿遂卧軍中晞大駭戒候卒擊柝衛
之且與俱至孝德所謝不能邪由是安初秀實領營田時
大將焦令諶取人田自占給與農約熟歸其半是歲大旱
農告無入令諶不聽責之急農無以償往訴秀實署牒免
之令諶怒召農責曰我畏段某邪加牒肯上鞭之見血輿
致廷中秀實撫之泣曰乃我困汝卽自裂裳裹瘡注藥賣
已馬市穀以償淮西將尹少榮頗剛鯁入罵令諶曰汝誠
人乎涇州野如楮而爾欲必得穀擊無罪者段公仁信大
人惟一馬賣而償汝汝誠傲天災犯大人擊無罪三者尙

氏姓譜

卷三

十五翰 段氏

八二

不愧奴隸邪令諶太愧流汗曰吾終不可以見段公一夕
自恨死馬璘代孝德每所咨遠璘處決不當固爭之不從
不止始璘城涇州秀實爲留後以勞加御史中丞大歷三
年遂徙涇州是軍自四鎮北庭赴難數有功旣驟徙相與
出怨言別將王童之謀作亂約曰聞警鼓而縱秀實知之
召鼓人陽怒失節戒曰每籌盡當報因延數刻盡四鼓而
曙明日復有告者曰夜焚膏積約救火則亂秀實嚴警備
夜中果火發令軍中曰敢救者斬童之居外請入不許明
日捕之并其黨八人斬以徇曰後徙者族一軍遂遷及璘
再移鄭頴二州命秀實爲留後軍資不乏二州以治璘嘉
其績奏爲行軍司馬兼都知兵馬使吐蕃寇邊戰鹽倉璘
師不利都將引潰兵先入城秀實責以兵法失將者斬奈
何忘死反欲安其家邪使銳將悉城中士依東原列奇

陽爲欲戰虜衆望之不敢逼俄而璘得歸久之璘有疾請
秀實攝副使按甲備變璘卒擇謹愿將馬頤主喪李漢惠
主賓客列家人位于堂宗族位于庭賓將位于牙內尉吏
士卒位于營次非其親不得居喪側朝夕臨三日而止有
族談離立者皆捕囚之送都虞侯史廷幹于京師徙裨將
崔珍張景華于外三人欲謀亂者一軍遂安卽拜四鎮北
庭行軍涇原鄭頴節度使數年吐蕃不敢犯塞十三年來
朝對蓬萊殿代宗問安邊策畫地以對件別條陳帝悅慰
賚良渥又賜第一區遣還德宗立加檢校禮部尙書封張
掖郡王實封百戶以沮楊炎開陵陽渠城原州議追入爲
司農卿朱泚反以秀實失兵必憤恨且素有人望使騎往
迎秀實與子弟訣而入泚喜曰公來吾事成矣秀實曰將
士東征宴賜不豐有司過耳人主何與知公本以忠義聞

氏姓譜

卷三

十五翰

段氏

三

天下今變起倉卒當諭以禍福掃清宮室迎還乘輿公之
職也泚默然乃陰結所厚劉海賓姚令言都虞侯何明禮
欲圖泚會源休教泚僞迎天子遣將韓旻領銳師三千疾
馳奉天秀實大懼曰若果得行宗社危不容喘亟爲止牒
諭胥吏歧靈岳竊取令言印不獲乃倒用司農印印牒以
追其兵旻至駱驛得符還秀實謂海濱曰旻來吾等無遺
類我當直搏殺賊不克卽死終不能向之稱臣約定事急
海賓令言爲繼明禮應于外翌日泚召同計事源休姚令
言李忠臣李子平皆在坐秀實戎服與休並語至僭位勃
然而起執休腕奪其象笏唾泚面大罵曰狂賊當磔萬段
我豈從汝反邪奮前擊之泚舉臂捍笏纔中額流血饑面
匍匐而走賊衆未敢動卒無後繼因大呼曰我不同反胡
不殺我遂遇害年六十五海賓明禮靈岳等皆繼爲賊害

帝在奉天恨用秀實不極才垂涕悔悵興元元年詔贈太尉諡忠烈賜封五百戶莊第各一區長子三品諸子五品並正員官帝還都又詔致祭旌其門閭親銘其碑云

五代

段希堯河內人也晉高祖爲河東節度使以希堯爲判官高祖軍屯忻州軍中有擁高祖呼萬歲者高祖惶惑不知所爲希堯勸高祖斬其亂首乃止高祖將舉兵于太原與其賓佐謀希堯以爲不可高祖雖不聽然重其爲人不之責也高祖入立希堯比諸將吏恩澤最薄久之稍遷諫議大夫使于吳越是時江淮不通凡使吳越者皆泛海而多風波之患希堯過海遭大風左右皆恐懼希堯曰吾平生不欺汝等恃吾可無恐也已而風止歷萊懷棣三州刺史出帝時爲吏部侍郎判東西銓事累遷禮部尚書卒年七十九贈太子少保

氏姓譜

卷三

十五翰

段氏

八四

段少連字希逸開封人生時母夢鳳集于庭及長美姿表倜儻有識度舉服勤詞學科試校書郎知崇陽縣能繼張詠風迹權杭州觀察判官預校道經改著作佐郎歷祕書丞知蒙城名山金華三縣入爲審刑院詳議官辟張士遜江寧通判還爲御史臺推直官遷太常博士以論劉從德濫恩謫監漣水軍酒稅未幾通判天雄軍太后崩召爲殿中侍御史會孔道輔等爭廢后事伏閣少連疏諫不報未幾除開封判官歷刑部員外郎直集賢院三司度支判官出爲兩浙并淮南運副兼發運司事所至自闕簿書擿其違理者按之部屬有過許令自新吏亦不敢欺秀州有無罪人死僞爲罪款少連一覽輒得人驚以爲神改兵部員

外郎徙陝西劾奏駙馬柴宗慶縱恣下皆服罪入兼侍御
史知雜事河東地震奉使安撫還爲工部郎中天章閣待
制知涇州元昊反范仲淹薦以堪任將帥遷龍圖閣直學
士知涇州改渭州卒爲人通敏有才每遇訟者事無大小
一言處決咸當于理不爲權勢所屈仁宗歎惜之

段思恭希堯子也以門資入官素不知書無學術爲鎮國
軍節度判官更歷吏事所至亦著勤績天福中父任棣州
刺史兼鹽礬制置使解官侍養奉章入貢改四門博士賜
緋開運初出爲華商等州觀察支使劉繼勳辟掌書記繼
勳朝京會契丹入汴軍士誼請思恭爲州帥思恭諭以禍
福固拒止之漢祖授左補闕隱帝時蝗詔徧祈山川疏乞
令諸州速決重刑無致淹濫必召和氣從之歷度支駕部
員外郎周顯德中定濱州田賦世宗嘉之賜金紫外艱服

氏姓譜

卷三

十五翰

段氏

八五

閔更左司員外建隆三年除開封令遷金部郎中判眉州
值亡命集衆攻州城思恭率屯兵與戰振作士氣許以厚
賞諸軍賈勇擊賊走之思恭矯詔給以上供錢帛度支請
按之太祖不許卽命知州事母憂起復考功郎中知泗州
俄代馮繼業知靈州帝語曰靈州非衛霍名將不可對曰
臣奉詔而往必能效治帝壯之賜窄衣金帶及錢二百萬
又以塗涉諸部別齎金帛遺之甫下車矯繼業之失綏撫
夷落訪求兵病久之遷右諫議大夫知揚州與通判李岩
相告責授太常少卿知宿州太宗遷將作監知秦州發通
判王廷範擅用和市事又降少府少監知邢州郊恩復舊
官尋知壽州改陝州卒年七十三子惟一至太常博士三
司度支判官從子惟幾進士兵部員外郎

段子冲字叔謙廬陵人自少力學不倦築小齋藏書數萬

卷無復嚮用意郡以遺逸入行舉固辭不就自號潛叟

段蕢字仲實廬陵人元祐進士任南安主簿時蘇轍監高

安稅一見異之日與論文手為校正國語等書文名益著

段璵字德正萬載人少遊鄉校性醇厚與物無忤建炎間

寇盜充斥段氏族屬皆為寇掠璵齎金帛往贖賊重其義

俾與偕歸紹興二十九年歲旱斗米千錢璵發廩濟之止

取常值又為粥以食飢者全活甚眾後結菴謝山壁間多

寫坦蕩字忽聚親舊別曰天帝即召我矣一日鍾鳴欬然

凌空去鄉人走視惟敝衣履存焉

段士龍字雲亨其先廬陵人為族叔子開後子開性剛果

士龍內篤恩愛兄弟四人挈家徙長沙士龍調之內外無

間言

氏姓譜

卷三

十五翰

段氏

六

段鐸稷山人正隆初與族人段仲珪同登進士人號其里
曰雙桂鐸累官中奉大夫華州防禦使護軍後以功封武
威郡開國侯

元

段直字正卿澤州晉城人至元十一年河北河東山東盜

賊並起直聚黨族結壘自保世祖命將畧地晉城直以其

眾歸幕府承制署潞州元帥府右監軍其後論功行賞分

土世守命為澤州長官澤民多避兵未還者直命籍其田

廬于親隣人戶且約曰侯業主至當析之以歸逃民間之

多遷者命歸其田廬如約貧民素無產者出粟賑之為他

郡所俘掠者出財使完聚以兵死而暴露者多方收瘞未

幾澤為樂土大修孔子廟割田千畝置書萬卷迎儒士李
俊民為師以招延四方來學之士不數年士子以通經被

遷者百二十有二人在官二十年朝廷特命提舉本州學校事未拜而卒

段文瑞河間人讀書奉母盡孝母沒哀痛踰禮以手履地行一里外負土營墳百五十日墳成元主表其門授本路學正官至臨安路總管

段天祐字吉甫汴人幼穎異五歲知讀書能屬句年弱冠已有成人之望鄧文源僉憲浙西欲辟爲書吏見所詠梅百韻歎賞曰子館閣才也吾敢吏子邪登泰定甲辰進士第授靜海縣丞後擢國子助教遷應奉翰林文字除浙江儒學提學未任而卒天祐學瞻氣昌爲文追古作者而尤工于詩歌黃潛實稱其夸而不浮質而不俚擬其做元白歌韓孟聯句置之古集中未易辨也所著有庸音集學文齋遇抄紺珠雙南金堊玉等集藏于家

氏姓譜

十五翰

段氏

八七

段民字時舉武進人永樂二年進士選庶吉士與章敞吾紳輩俱讀書文淵閣又俱授刑部主事民旋進郎中山東妖婦唐賽兒作亂三司官坐縱寇誅擢民左參政當是時索賽兒急盡逮山東北京尼及天下出家婦女先後幾萬人民力爲矜宥人情始安車駕北征餉舟由濟寧達潞河陸輓出居庸至塞外民深計曲算下不擾而事集既還敕與巡按御史考所過府縣吏廉墨以聞宣德三年召入京命署南京戶部右侍郎踰年實授又明年改刑部初二部皆以不治聞民至紀綱修舉宿弊以革上元人有爲姪毆者憤甚詣通政司告時方令納米贖罪而越訴禁甚嚴犯者戍遼東民土言依定例卑幼之罪得贖而尊長反違竄揆于理有未安請更擬帝是之帝以民廉介端謹特賜敕

令考察南京百官八年詔書罪囚自十惡外竝減一等有
重囚三十餘人例不得赦民亦減其罪後有旨報決乃復
追還而逃亡數人民自陳狀給事中年富等劾民帝知民
賢不問九年二月卒于官年五十九貧不能殮都御史吳
訥禔以衣衾帝聞命有司營塋成化間葉盛請褒卹不果
其後百有餘年始追諡襄介

段堅字可大蘭州人早歲受書卽有志聖賢舉于鄉入國
子監景泰元年以上書請悉徵還四方監軍罷天下佛老宮
疏奏不行五年成進士授福山知縣刊布小學俾士民講
誦俗素陋至是一變村落皆有弦誦聲成化初賜敷旌異
起擢萊州知府期年化大行以憂去服除改知南陽召州
縣學官具告以古人爲學之指使轉相勸誘劄志學書院
聚秀民講說五經要義及廉洛諸儒遺書建節義祠祀古
氏姓譜

卷五

十五翰

段氏

六

今烈女訟獄徭賦務底于平居數年大治引疾去士民號
泣送者踰境不絕及聞其卒立祠春秋祀之堅之學私淑
河東薛瑄務致知而踐其實不以諛聞取譽故能以儒術
飾吏治

段彥字世高澤州人起家進士正德中授兵科補給事中
謫棗強令賊至連戰却之及城陷中四矢一鎗瞋目大呼
殺賊而死賊屠其城

段展涇陽舉人駐藩陽天啟元年日暈異常展牒應泰言
天象示警宜豫防踰月藩陽破展死之贈按察僉事

段正字以中澤州人成化進士由元城知縣擢御史巡按
江西賑饑備盜頗有方略遷江西左叅政精于吏治撫州
糧長爲民害立除之追贓數萬廣信苦夫役繁以寺觀租
稅贏餘者使出備直民困少甦平生廉介卒之日無以爲

發士大夫皆哀之

自正德號蒙岡湖口人嘉靖進士授刑部主事調同知亭州改判温州理糧儲常供外不入一錢轉知都勻案牘盈前立時裁決爲文汪洋淳蓄灑灑千言蕭然舊廬不飾一椽性孝友父初艱嗣舉一姪爲後友愛如同胞數十年猶共爨焉

段復興字仲方陽穀人崇正七年進士歷右參議分守慶陽十六年十月李自成據西安傳檄諭降復興裂其檄集衆守踰月賊薄城圍數匝發礮石殺賊滿濠久之勢不支拜辭其母聚妻妾子女于樓寘薪其上復乘城督戰城陷趨歸火其樓母亦赴火死乃持鐵鞭走北門擊殺數賊遂自刎士民葬之西河坪立祠祀之

氏姓譜

卷三

十五翰

段氏

九

之刑亦必以利害勸導民有訟詞互爲平釋罪不深求捐貲修學建橋朔望講書惠以紙筆歲終貧儒量爲資助薪米士民感悅不忘

段敏字惟勤金壇人成化進士知新城廬陵有異政歷浙西叅議時峒賊猖獗敏調發餽運區畫戰守賊平陞副使居官清勤蒞事勤恕敷歷中外幾三十年家無中人之產能詩有南洲集行于世

歷代列女

段氏字元妃慕容垂妻僞右光祿大夫儀之女也少而婉慧有志操常謂妹季妃曰我終不作凡人妻季妃亦曰妹亦不爲庸夫婦鄰人聞而笑之垂之稱燕王納元妃爲繼室遂有殊寵僞范陽王德亦娉季妃焉姊妹俱爲垂德之妻卒如其志垂旣僭位拜爲皇后垂立其子寶爲太子也

元妃謂垂曰太子姿質雍容柔而不斷承平則爲仁明之主處難則非濟世之雄陛下託之以大業妾未見克昌之美遼西高陽二王陛下見之賢者宜擇一以樹之趙王麟姦詐負氣常有輕太子之心陛下一旦不諱必有難作此陛下之家事宜深圖之垂不納寶及麟聞之深以爲恨其後元妃又言之垂曰汝欲使我爲晉獻公乎元妃泣而退告季妃曰太子不令羣下所知而主上比吾爲驪戎之友何其苦哉主上百年之後太子必亡社稷范陽王有非常器度若燕祚未終其在主乎垂死寶嗣僞位遣麟逼元妃曰后常謂主上不能嗣守大統今竟何如宜早自裁以全段氏元妃怒曰汝兄弟尚逼殺母安能保守社稷吾豈惜死念國滅不久耳遂自殺寶議以元妃謀廢嫡統無母后之道不宜成喪羣下咸以爲然僞中書令睦遂大言于朝

氏姓譜

卷五

十五翰

段氏

九

曰子無廢母之義漢之安思閹后親廢順帝猶配饗安皇先后言虛實尙未可知宜依閹后故事寶從之其後麟果作亂寶亦被殺德復僭稱尊號終如元妃之言

段氏晉寧人年二十一夫亡守節其姑欲奪之段潛入暗室斷髮自縊姑覺救而甦于是閉戶食女紅之力以養其始號泣喪明

段氏劉頤妻也茶陵人進士劉珩孫之子至正末紅巾賊起段被執自沉于水賊救之得不死釋之無何賊再至驅逐婦女段獨罵賊死之數日家人得其屍面如生參將許某爲殮葬有司奏聞旌表

段氏晉寧人趙軻妻也年十八歸軻二十軻亡截髮守志撫孤養親喪塋勒碑預刻己姓以表同穴孀居五十八載當事題准部覆云綱常夙稟貞性天成青年勤共穴之石

志已不在人間皓首堅斷髮之盟沒亦何慚地下荒名不朽彝典有光奉旨旌表

段氏霍榮妻龍興人榮無子嘗乞人為養子榮卒段年二十六孝養舅姑舅姑歿諸父利其產謂曰汝無子宜改適即入室引鍼自刺其面墨漬之誓死不二大德二年府上其狀詔旌其門

段氏婦名吳媛浚儀人唐史官兢之後父志野義不仕梁南遊于吳家廬陵媛適段某生子未晬段卒父母以媛少議嫁之媛刺面自誓乃不敢奪事舅姑極孝謹教子為善士韓熙載使江西為表其節

段氏名紀配廣漢廖伯妻也性聰敏達于詩書進退間暇伯亡父母將有所許紀配曰梁高行割鼻告誠以全其節求生害仁仁者不為紀配生見禮義豈獨使古人擅名哉

氏姓譜

卷三

五翰

段氏

九一

作詩三章以諷父母乃援刀斷指

段氏衡陽人張鶚翼妻姑卒悉嚮其嫁時裝以殮嘉靖甲午鶚翼不得預解額鬱悒以終氏年二十一欲殉之勸以撫孤乃止懇思哭泣積二十七年卒

段氏衡陽人譚元宗妻元宗家素貧既沒遺孤子三人皆孩提氏年三十撫教成立嘉靖戊午長子俱舉于鄉氏年七十六終祭酒瞿景淳為之傳

灌氏亦作斟灌氏風俗通斟灌氏夏諸侯也子孫氏焉

又有張氏骨灌氏

歷代名賢

漢

灌嬰睢陽販繒者也高祖為沛公畧地至雍邱下章邯殺項梁而沛公還軍于碭嬰以中涓從擊破東郡尉于成武

及秦軍于扛里疾鬪賜爵七大夫又從攻秦軍亳南開封
曲遇戰疾力賜爵執帛號宣陵君從攻陽武以西至雒陽
破秦軍尸北北絕河津南破南陽守齣陽城東遂定南陽
郡西入武關戰于藍田疾力至霸上賜爵執珪號昌文君
沛公爲漢王拜嬰爲郎中從入漢中十月拜爲中謁者從
遷定三秦下櫟陽降塞王還圍章邯廢邱未拔從東出臨
晉關擊降殷王定其地擊項羽將龍且魏相項他軍定陶
南疾戰破之賜嬰爵列侯號昌文侯食杜平鄉復以中謁
者從降下碭以卮至彭城項羽擊破漢王漢王遁而西嬰
從還軍于雍邱王武魏公申徒反從擊破之攻下外黃西
取軍于滎陽楚騎來衆漢王乃擇軍中可爲騎將者皆推
故秦騎士重泉人李必駱甲習騎兵今爲校尉可爲騎將
漢王欲拜之必甲曰臣故秦民恐軍不信臣臣願得大王

氏姓譜

卷五

十五論

灌氏

五

左右善騎者傅之嬰雖少然數力戰乃拜嬰爲中大夫令
必甲爲左右校尉將郎中騎兵擊楚騎于滎陽東大破之
受詔別擊楚軍後絕其餉道起陽武至襄邑擊項羽之將
項冠于魯下破之所將卒斬右司馬騎將各一人擊破柘
公王武軍燕西所將卒斬樓煩將五人連尹一人擊王武
別將桓嬰白馬下破之所將卒斬都尉一人以騎度河南
送漢王到雒陽使北迎相國韓信軍于邯鄲還至敖倉嬰
遷爲御史大夫三年以列侯食邑杜平鄉受詔將郎中騎
兵東屬相國韓信擊破齊軍于歷下所將卒虜車騎將軍
華毋傷及將吏四十六人降下臨菑得齊相田光追齊相
田橫至嬴博擊破其騎所將卒斬騎將一人生得騎將四
人攻下嬴博破齊將軍田吸于千乘斬之東從韓信攻龍
且留公于假密卒斬龍且生得右司馬連尹各一人樓煩

將十人身生得亞將周蘭齊地已定韓信自立爲齊王使
嬰別將擊楚將公杲于魯北破之轉南破薛郡長身虜騎
將入攻博陽前至下相以東南鐘取慮徐度淮盡降其城
邑至廣陵項羽使項聲薛公鄉公復定淮北嬰度淮擊破
項聲鄉公下邳斬薛公下下邳壽春擊破楚騎平陽遂降
彭城虜柱國項陀降留薛沛鄧蕭相攻苦譙復得亞將與
漢王會頤鄉從擊項籍軍陳下破之所將卒斬樓煩將二
人虜將八人賜益食邑二千五百戶項籍敗垓下去也嬰
以御史大夫將軍騎別追項籍至東城破之所將卒五人
其斬項籍皆賜爵列侯降左右司馬各一人卒萬二千人
盡得其軍將吏下東城歷陽渡江破吳郡長吳下得吳守
遂定吳豫章會稽郡還定淮北凡五十二縣漢王卽帝位
賜益嬰邑三千戶以車騎將軍從擊燕王臧荼明年從至

氏姓譜

卷三

五翰

權氏

九三

陳取楚王信還剖符世世勿絕食潁陰二千五百戶從擊
韓王信于代至馬邑別降樓煩以北六縣斬代左相破胡
騎將于武泉北復從擊韓信胡騎晉陽下所將卒斬胡白
題將一人又受詔並將燕趙齊梁楚車騎擊破胡騎于滹
石至平城爲胡所圍從擊陳豨別攻豨丞相侯敞軍曲逆
下破之卒斬敞及特將五人降曲逆盧奴上曲陽安國安
平攻下東垣黥布反以車騎將軍先出攻布別將于相破
之斬亞將樓煩將三人又進擊破布上柱國及大司馬軍
又進破布別將肥銖嬰身生得左司馬一人所將卒斬其
小將十人追北至淮上益食邑二千五百戶布已破高帝
歸定令嬰食潁陰五千戶除前所食邑凡從所得二千石
二人別破軍十六降城四十六定國一郡二縣五十二得
將軍二人柱國相各一人二千石十人嬰自破布歸高帝

崩嬰以列侯事孝惠帝及呂后呂后崩呂祿等欲爲亂齊哀王聞之舉兵西呂祿等以嬰爲大將軍往擊之嬰行至榮陽乃與絳侯等謀因屯兵榮陽風齊王以誅呂氏事齊兵止不前絳侯等既誅諸呂齊王罷兵歸嬰自榮陽歸與絳侯陳平共立文帝于是益封嬰三千戶賜黃金千斤拜爲太尉三歲絳侯勃免相嬰爲丞相罷太尉官是歲匈奴大入北地上郡令丞相嬰將騎八萬五千往擊匈奴去濟北王反詔罷嬰兵後歲餘以丞相卒諡曰懿侯子平侯阿代侯二十八年卒子強代侯十三年強有罪絕二歲元光三年天子封灌嬰孫賢爲臨汝侯續灌氏後八歲坐行賕有罪國除

灌夫字仲孺潁陰人也父張孟嘗爲潁陰侯灌嬰舍人得幸因進之至二千石故蒙灌氏姓爲灌孟吳楚反時潁陰

氏姓譜

卷三

十五

灌氏

九四

侯灌何爲將軍屬太尉請孟爲校尉夫以千人與父俱孟年老潁陰侯彊請之鬱鬱不得意故戰常陷堅遂死吳軍中軍法父子俱有死事得與喪歸灌夫不肯隨喪歸奮曰願取吳王若將軍頭以報父仇于是夫被甲持戟募軍中壯士所善願從數十人及出壁門莫敢前獨二人及從奴十數騎馳入吳軍至戲下所殺傷數十人不得前復還走漢壁亡其奴獨與一騎歸夫身中大創十餘適有萬金良藥故得無死創少瘳又復請將軍曰吾益知吳壁曲折請復往將軍壯而義之恐亡夫乃言太尉太尉召固止之吳軍敗夫以此名聞天下潁陰侯言夫夫爲中郎將數月坐法去後家居長安中諸公莫不稱由是復爲代相武帝卽位以爲淮陽天下郊勁兵處故徙夫爲淮陽太守入爲太僕二年夫與長樂衛尉竇甫飲輕重不得夫醉搏甫甫竇

太后昆弟上恐太后誅夫徙夫爲燕相數歲坐法免家居長安夫爲人剛直使酒不好面諛貴戚諸勢在己之右欲必陵之士在己左愈貧賤尤益禮敬與鈞稠人廣衆薦寵下輩士亦以此多之夫不喜文學好任俠已然諾諸所與交通無非豪傑大猾家累數千萬食客日數十百人陂池田園宗族賓客爲權利橫潁川潁川兒歌之曰潁水清灌氏寧潁水濁灌氏族夫家居卿相待中賓客益衰及竇嬰失勢亦欲倚灌夫引繩批根生平慕之後棄者夫亦得嬰通列侯宗室爲名高兩人相爲引重其游如父子然相得驩甚無厭恨相知之晚夫嘗有服過丞相田蚡蚡從容曰吾欲與仲孺過魏其侯會仲孺有服夫曰將軍乃肯幸臨况魏其侯夫安敢以服爲解請語魏其具將軍旦日蚤臨蚡許諾夫以語嬰嬰與夫人益市牛酒夜灑掃帳具至日

氏姓譜

卷三

十五

灌氏

九五

平明令門下候伺至日中蚡不來嬰謂夫曰丞相豈忘之哉夫不懌曰夫以服請不宜乃駕自往迎蚡蚡特前戲許夫殊無意往夫至門蚡尙卧也于是夫入見曰將軍昨日幸許過魏其魏其夫妻治具至今未敢嘗食蚡悟謝曰吾醉忘與仲孺言乃駕往往又徐行夫愈益怒及飲酒酣夫起舞屬蚡蚡不起夫從坐語侵之嬰乃扶夫去謝蚡蚡卒飲至夜極驪而去後蚡使籍福請嬰城南田嬰大望曰老僕雖棄將軍雖貴寧可以勢相奪乎不許夫聞怒罵福福惡兩人有隙乃謾好謝蚡曰魏其老且死易忍且待之已而蚡聞嬰夫實怒不予田亦怒曰魏其子嘗殺人蚡活之蚡事魏其無所不可愛數頃田且灌夫何與也吾不敢復求田由此大怒元光四年春蚡言灌夫家在潁川橫甚民苦之請案之上曰此丞相事何請夫亦持蚡陰事爲姦利

受淮南王金與語言賓客居間遂已俱解夏蚡取燕王女
爲夫人太后詔召列侯宗室皆往賀嬰過夫欲與俱夫謝
曰夫數以酒失過丞相丞相今者又與夫有隙嬰曰事已
解疆與俱酒酣蚡起爲壽坐皆避席伏已嬰爲壽獨故人
避席餘半膝席夫行酒至蚡蚡膝席曰不能滿觴夫怒因
嘻笑曰將軍貴人也畢之時蚡不肯行酒次至臨汝侯灌
賢賢方與程不識耳語文不避席夫無所發怒乃罵賢曰
生平毀程不識不直一錢今日長者爲壽乃效女兒咕囁
耳語蚡謂夫曰程李俱東西宮衛尉今衆辱程將軍仲孺
獨不爲李將軍地乎夫曰今日斬頭穴胷何知程李坐乃
起更衣稍稍去嬰去麾夫夫出蚡遂怒曰此吾驕灌夫罪
也乃令騎留夫夫不得出籍福起爲謝案夫項令謝夫愈
怒不肯謝蚡乃麾騎縛夫置傳舍召長史曰今日召宗室

氏姓譜

卷五

十五翰

灌氏

九

有詔劾灌夫罵坐不敬繫居室遂其前事遣吏分曹逐捕
諸灌氏支屬皆得棄市罪嬰愧爲資使賓客請莫能解蚡
吏皆爲耳目諸灌氏皆亡匿夫繫遂不得告言蚡陰事嬰
銳爲救夫嬰夫人諫曰灌將軍得罪丞相與太后家忤寧
可救邪嬰曰侯自我得之自我捐之無所恨且終不令灌
仲孺獨死嬰獨生乃匿其家竊出上書立召入言灌夫醉
飽事不足誅上然之賜嬰食曰東朝廷辨之嬰之東朝盛
推夫善言其醉飽得過乃丞相以他事誣罪之蚡盛毀夫
所爲橫恣罪逆不道嬰度不可奈何因言蚡短上問朝臣
兩人孰是御史大夫韓安國曰魏其言灌夫父死事身荷
戟馳入不測之吳軍身被數十創名冠三軍此天下壯士
非有大惡爭杯酒不足引他過以誅也魏其言是丞相亦
言灌夫通姦猾侵細民家累巨萬橫恣潁川凌轢宗室侵

犯骨肉此所謂枝大于本脛大于股不折必披丞相言亦是唯明主裁之主爵都尉汲黯是魏其內史鄭當時是魏其後不敢堅餘皆莫敢對上怒內史曰公平生數言魏其武安長短今日廷論局趣效轍下駒吾并斬若屬矣即罷起入上食太后太后亦已使人候伺具以告太后太后怒不食曰今我在也而人皆籍吾弟令我百歲後皆魚肉之矣且帝寧能爲石人邪此特帝在卽錄錄設百歲後是屬寧有可信者乎上謝曰俱外家故廷辨之不然此一獄吏所決耳是時郎中令石建爲上分別言兩人事蚡已罷朝出止車門召御史大夫安國載怒曰與長孺共一老秃翁何爲首鼠兩端安國良久謂蚡曰君何不自喜夫魏其毀君君當免冠解印綬歸曰臣以肺腑幸得待罪固非其任魏其言皆是如此上必多君有讓不廢君魏其必內愧杜

氏姓譜

卷三

十五翰

灌氏

九七

門齧舌自殺今人毀君君亦毀之譬如賈豎女子爭言何其無大體也蚡謝罪曰爭時急不知出此于是上使御史薄責嬰所言灌夫頗不讐劾繫都司空孝景時嬰常受遺詔曰事有不便以便宜論上及繫灌夫罪至族事日急諸公莫敢復明言于上嬰乃使昆弟子上書言之幸得復召見書奏案尚書大行無遺詔詔書獨藏嬰家嬰家丞封乃劾嬰矯先帝詔害罪當棄市五年十月悉論灌夫及家屬嬰良久乃聞有劾卽陽病瘁不食欲死或聞上無意殺嬰復食治病議定不死矣乃有蜚語爲惡言聞上故以十二月晦論棄市渭城其春蚡病一身盡痛若有擊者呼服謝罪上使視鬼者視之曰魏其侯與灌夫共守管欲殺之竟死子恬嗣

賈氏

戰國策齊有貫珠漢初趙相貫高後漢西羌校尉貫友
又博士貫長卿望出西河

歷代名賢

漢

貫長卿趙人也事同國毛公以詩授解延年

貫雲石號酸齋生而神采秀麗膂力絕人年十二三時使
健兒驅三馬疾馳輒持槊騰上之越二而跨三運槊成風
觀者辟易及長折節讀書仁宗朝拜翰林學士辭疾居江
南過梁山深賦詩易漁父蘆花被因自號蘆花道人

貫元凱臨武人洪武三年任橫州知州

貫道廣西興平人嘉靖中四川井研知縣

氏姓譜

卷三

十五翰

貫氏

九

貫晋定陶縣人隆慶中山西岢嵐州吏目

漢氏

姓苑云東莞有此姓云漢高帝之後初項羽封沛公爲
漢王王巴蜀漢中今興元府漢中郡也自高帝至光武
終於獻帝通王莽十八年劉聖公二年計四百二十五
年傳漢祚漢亡子孫或以國爲氏五代漢倫深州刺史
宋漢宗堯循州人淳祐進士明漢邦傑湖廣道州人正
德中雲南五鹽井提舉漢德金縣人國子生不就仕絕
跡名利孤清高潔士大夫重之漢鑿日照人嘉靖中任
邵武府檢校

隴氏見姓苑漢隴唯見印數

隴氏

望出晋昌後漢荆南尹隴齋見謝承後漢書蜀志交趾

刺史爨琛建寧大姓也又有寧州刺史爨頤華陽國志
爨習官至領軍昌寧大姓也

歷代名賢

晉

爨深興古郡人仕為本郡太守今南寧縣南十餘里有興
古太守爨府君碑

南

爨龍顏同樂縣人仕宋累官龍驤將軍鎮蠻校尉寧州刺
史封印都縣侯有碑在故納河縣西三十里

爨雲建寧郡人仕魏累官驃騎大將軍開府儀同三司南
寧州刺史封同樂郡侯有碑在陸涼州南三十里

唐

爨歸王南寧州西爨白蠻也貞觀中以為南寧都督

氏姓譜

卷三

十五論

漢氏至九

爨勳雲南人正德中湖廣郴州判官

幹氏見姓苑

歷代名賢

宋

幹道冲靈武人其先從夏主遷興州世掌夏國史道冲通
五經為蕃漢教授譯論語註別作解義二十卷又作周易
卜筮斷以其國字書之行于國中後官至其國中書宰相

金

勒忠本名宋浦蓋州人習女直契丹字歷兵部樞密院

書省三合史再轉大理寺知法遷右三部司正勒忠練

邊事嘗奉命使北歸致馬四千餘匹詔褒諭之大定二

六年為監察御史轉尚書省都事章宗立遷兵部員外

鄆出爲滄州刺史河東路提刑副使徙單移刺古舉以自代改滕州刺史授北京副留守入爲同簽樞密院事兼沂王傅承安二年拜武寧軍節度使致仕泰和三年卒年七十一勤忠性敦慤通法律以直自守不交權貴時譽歸焉

殷氏 音段見直音

炭氏 西京雜記長安有炭虬

勸氏 見姓苑唐勸龍晟南詔王

與氏 見姓苑明與忠歸州人永樂舉人任知州與才歸

州人永樂中任訓導與復歸州人永樂中任知縣與禮

汝州人正統中由舉人任奉新縣知縣與進武陵人景

泰丙子舉人任四川筠連縣知縣與信武陵人景泰舉

人任教授

按氏 見姓苑

氏姓譜 卷五十三

十五翰

魏氏至 一百

歷代名賢

元

按攤 海北海南宣慰使海康與安南占城諸夷接境海島生黎叛服不常按攤威望素著夷人帖服生黎王高等二十餘洞皆願輸貢稅

鄧氏 見姓苑明鄧良鉞吉州人正統初湖廣臧寧訓導

暗氏 見姓苑

犴氏 音岸見前梁王傳睢陽人

驛氏 音汗見姓苑孔子弟子驛臂

汗氏 見姓苑周汗明楚客

杆氏 見姓苑漢甄譚侯杆勝

贊氏 出姓苑今開封有之

歷代名賢

宋

贊寧太宗時人史館編修壽八十四王處訥推其命孤薄
三命禽畧六王遁甲俱無壽貴之處謂寧曰師生時正得
天貴星臨門必有列位侯王在戶寧曰母嘗謂某生時方
臥草錢文穆王元瓘往臨安拜寧至門兩作避于茅簷甚
久浣浴襴藉徘徊方去

看氏

巨氏

歎氏

琛氏

粲氏

粲氏

阮氏

半氏

筭氏

罕氏

以上俱見姓苑

燃氏

女見切音纂要同州有此姓

去聲

十六諫

諫氏周禮有司諫氏因以為氏漢有持書御史諫忠見

氏姓譜

卷三

十六諫

諫氏

直

風俗通望出歙郡

晏氏

或云齊公族襄公二十九年吳季札聘于齊說晏平仲
謂之曰子速納邑與政無巨與政乃免于難故晏子因
陳桓子納政與邑以免樂高之難望出齊國

歷代名賢

周

晏弱萊之夷維人齊大夫晏桓子也事頃公頃公四年魯
公孫歸父會公子穀見弱與之言魯樂弱告高固曰子家
其亡乎懷于魯矣懷必貪貪必謀人謀人人亦謀已一國
謀之何以不亡後四年歸父果來奔七年晉使卻克徵會
于我我怒卻克憂弱及高固蔡朝南郭偃會于斷道高固
逃歸晉執弱于野王執朝于原執偃于温既而緩之逸十

年卒敗我師于鞏靈公十一年魯齊姜薨公使諸姜宗婦往送葬召萊子萊子不會使弱城東陽以偪之十四年弱再城東陽遂圍萊四月甲寅堙之環城傳于堞明年王湫帥師及正與子棠人軍我師我師大敗之遂入萊四月弱圍棠滅之遷萊于郕二十一年靈王求后于我公問對于弱弱對曰先王之禮辭有之天子求后于諸侯諸侯對曰夫婦所生若而人妾婦之子若而人無女而有姊妹及姊妹妹則曰先守某公之遺女若而人二十六年弱卒諡曰桓子嬰嗣

嬰嬰字平仲事齊靈公莊公景公以節儉力行重于齊既相齊食不重肉妾不衣帛其在朝君語及之卽危言語不及之卽危行國有道卽順命無道卽衝命以此三世顯名于諸侯越石父賢在縲繼中晏子出遭之塗解左驂贖之

氏姓譜

卷三

去諫 晏氏

三

載歸弗謝入閨久之越石父請絕晏子懼然攝衣冠謝曰嬰雖不仁免子于厄何子求絕之速也石父曰不然吾聞君子諱于不知已而信于知己者方吾在縲繼中彼不知我也夫子旣已感悟而贖我是知已知已而無禮固不如在縲繼之中晏子于是延入爲上客晏子爲齊相出其御之妻從門間而闚其夫其夫爲相御擁大蓋策駟馬意氣揚揚甚自得也旣而歸其妻請去夫問其故妻曰晏子長不滿六尺身相齊國名顯諸侯今者妾觀其出志念深矣常有以自下者今子長八尺乃爲人僕御然子之意自以爲足妾是以求去也其後夫自抑損晏子怪而問之御以實對晏子薦以爲大夫所著有晏子

晏謨臨淄人晏嬰之後善屬文南燕慕容德召謨問以臨

溜故事謨應對辨博慕容德嘆賞之撰齊記三卷行于世

宋

晏殊字同叔撫州臨川人自幼以神童薦帝嘉賞賜同進士出身復試詩賦論益加稱善擢祕書正字改直史館所與遊處多知名士陳彭年亟稱許之召試中書遷奉禮郎東封遷光祿丞爲集賢校理外艱起復詔修寶訓從祀太清宮判太常禮院內艱復求終制不許遷太常寺丞擢左正言昇王府記室參軍歲中遷戶部員外郎天禧二年八月忽自中批除太子舍人宰相不知所由次日進見上曰近聞館閣臣僚多事嬉遊彌日繼夕惟殊杜門與兄弟讀書如此謹厚正可爲東宮官召諭對以臣非不樂宴遊直以貧無可爲之具上益嘉其誠實眷注日深尋知制誥判集賢院久之爲翰林學士兼左庶子仁宗卽位丁謂曹利

氏姓譜

卷三

十六諫

晏氏

百三

用各欲獨觀奏事殊建言羣臣奏事太后垂簾聽之皆毋得見其議始決遷右諫議大夫兼侍讀學士轉給事中預修真宗實錄進禮部侍郎拜樞密副使疏論張耆不可任樞密忤太后旨會幸玉清宮怒持笏者後至撞之折齒爲御史劾罷知宣州改應天自五代以來學校久廢殊始爲興舉嚴條約延師以教生徒江南人知學自殊始也召拜御史中丞資政殿大學士兵部侍郎參知政事進左丞禮部尚書太后崩罷知亳州徙陳州俄遷刑部尚書復兼中丞爲三司使陝西方用兵請罷內臣監軍悉授諸將陣圖使得自應敵爲攻守計及募弓箭手教之以備戰鬪又請出宮中長物助邊費悉罷他司領財利者使還度支俱見施行康定初拜樞密使同中書門下平章事婿富弼方任副樞堅辭不許慶歷二年改集賢殿學士同平章事仍兼

樞密甚見信遇平居好結賢士而小人權倖皆不便有言
被詔撰宸妃墓誌不言誕育聖躬其實方太后臨朝有所
不敢又輔臣例宣借官兵私治憾舍以爲擅役坐是左遷
工部尚書知頴陳許三州時謂非辜稍復禮刑二部尚書
祀明堂遷戶部尚書以觀文殿大學士知永興軍徙河南
遷兵部尚書皇祐間有疾請歸訪醫疾平特留經筵詔五
日一與起居儀從如宰相至和初寢劇乘輿將臨視馳奏
請免二年正月丁亥薨帝臨奠以不及視爲恨罷朝贈司
空兼侍中諡元獻篆其神道曰舊學之碑爲人性剛簡遇
人必以誠奉養清儉雖處富貴如寒士然樽酒相對懽如
也累典方州吏民畏其愾急其爲文章瞻麗應用不窮尤
工詩閑雅有情思晚歲篤學不倦有文集二百四十卷及
刪次梁陳以後名臣述作爲集選百卷子知止朝請大夫

氏姓譜

卷三

十六

晏氏

百四

晏敦復字景初殊曾孫少受學程頤奇之第進士爲御史
臺檢法官紹興初由祠部郎遷吏部以守法忤呂頤浩出
知貴溪縣有爲直其事者改臨江軍通判召復吏部郎轉
左司諫權中書門下檢正諸房公事論劉光世不聞爲朝
廷措置惟請以淮東私田易淮西田比者岳飛屬官干朝
廷以私飛卽請加罪中外稱其有賢將風乞以臣言示光
世令經理淮南收撫百姓待定都建康中興有期何患私
計之未便耶權吏部侍郎敦復素號剛嚴請謁不行銓綜
平允凡四選格法多所裁定除給事中請免冬至節賜予
言兵興費廣兩宮在遠欲奉觴爲壽且不可得不宜舉平
時例行慶賜詔從之有卒失宣帖得中旨給據太醫吳球
得旨免試敦復疏言自崇觀間姦人欺罔臨事取旨謂之
賄行指揮紀綱敗壞馴至危亂今以一卒之微至賣聖聰

醫官免試皆壞成法正蹈前弊不可長也駁汪伯彥子召嗣素無才望不宜任江西監司改知袁州在職二月論駁二十四事人皆憚之真拜吏部侍郎彗星見求言敦復奏亂本多出于左右近習姦邪巧佞以轉移人主之意其惡直醜正能使賢士薙匿造爲士端能使四民遷業委曲彌縫能使上下相狗簧鼓流俗能使廉耻道消誣人功罪能使毀譽亂真壅蔽聰明能使直言不聞正合昔者康澄可畏之旨臣願防微杜漸以助應天之實又論比來百司不肯任責事有不當例多取自由是中書事務不減有司天子聽覽每及細微非所以爲政也願詳其大畧其細秦檜始拜相制下朝士相賀敦復獨有憂色曰姦人相矣及檜倡屈已許和之說敦復爭甚力又與張燾等廷爭之檜使所親諭曰能曲從兩地旦夕可至答曰薑桂之性到老愈

氏姓譜

卷五

十六陳

晏氏

百五

棘終不爲身計誤國家檜卒不能屈胡銓被謫臨安遣人械送敦復往見臨安守張湛追還送者語人曰頃言檜姦諸君尚不爲然今方專國敢爾他日何所不至耶權吏部尙書兼江淮等路經制使以寶文閣直學士知衢州提舉亳州明道宮卒年七十一敦復靜默如不能言及立朝論事鯁峭無所顧避帝每稱曰卿可爲無忝爾祖矣

晏幾道字叔原殊第七子能爲文章尤工樂府其小山詞清壯頓挫見者擊節以爲有臨淄公風黃山谷序之曰叔原固人英也仕宦連蹇而不一傍貴人之門家人飢寒而面有孺子之色人百負之終不疑其欺已至其文上掩騷屈下者亦豈減團扇桃葉哉其所推重如此

晏防字宗武殊姪幼學于王荆公主崇仁翰藹萬載承行李蕭然遣家奴致米乃得歸赴調卒于京防寬厚好學安

于義命不可榮辱所著有候門集十卷俱賦集一卷姪中
從姪孫升卿朋曾孫敦復敦臨肅大止曾姪孫紹休皆進
士及第

晏頴臨川人丞相元獻公弟也童子時有聲真宗聞之召
試翰林院賦八沼瑞蓮賜出身授奉禮郎頴聞報曰閉書
室高卧不出家人呼之弗應培鎖就視則已脫去旁得書
一紙云江外三千里人間十八年此時誰復見一鶴上遼
天

晏紹休江西新喻人紹定進士知江華縣循良奏最賜緋
衣按紹休之先世有孝本者歷官大理寺丞出知永州民
歌德政至明崇正十一年其後裔曰曙字季復歷任左州
嘉興蘇州皆以卓異聞特詔卽其家拜永州太守湖廣劇
盜望風屏跡自宋至明時凡三稱名宦云

氏姓譜

卷三

十六諫

晏氏

真

晏壁字彥文廬陵人永樂間爲徐州判官有文名尋遷山
東按察司僉事所著有史鉞行于世

晏鑑上高人成化間知寧鄉縣家給以小榜教民孝親敬
長婚喪以時力劾古人風鋤強去凶賑饑脩廢爲時能吏
晏珠字朝用四川內江人正德辛未進士知瀋山以清苦
自厲布衣糲食自處如寒士真誠實實不事華靡不爲脩
飾盡心民事民感戴之雖閭婦牧子皆曰清官晏老云三
年以母憂去後薦陞戶部主事

晏景剛霽林人領萬歷壬午鄉書知青陽縣事尋轉瓊州
府同知有惠政親病躬藥餌忘寢食兩目幾廢念兄無子
以次子嗣之祭無田捐已產立之宦成後與總服之親共
高曾者同居一畝之宅邑人咸羨祀鄉賢

晏朝寅名山人萬歷中知醴陵縣却羨餘以償逋賦請免代編沔陽江夏銀米邑人德之性抗直不媚上官部使者行縣輒爲斂手

晏錫字振之富順人由庶吉士授御史歷按兩畿山東所至有聲坐言事謫上高典史鄰境寇發官兵不能討鐸捕滅之歸所掠于民

歷代列女

晏氏殊曾孫孝廣之女也宋炎興三年金人至揚州孝廣爲尉死之女年十五有美色爲金人所得欲妻之卽刎縊求死金人皆義而釋之

晏氏寧化人夫死不嫁紹定三年寇破寧化令佐俱逃與王倫王萬結約諸寨以拒賊晏乃依牛山自爲砦賊來晏悉散家財感激田丁晏自撻鼓教諸婢鳴金以作其勇賊

氏姓譜

卷三

十六

晏氏至百七

屢攻不克活鄉民數萬知南劍州陳韓遣以金帛悉散其下人名其砦萬安事聞詔封恭人賜冠被補其子承信郎
宦氏商音明宦績字熙東江陰人永樂甲申進士

歷代列女

宦氏巫山人冉天恩妻氏年二十夫病篤割股救不愈夫亡姑欲令再醮誓死不從守節七十一終有司奏請旌表宦氏素邦欽妻欽素窮舌疇外塾宦勤織績膳姑不以憂欽歲稔葶相望于野掇榆自食而以穀食進姑欽卒宦擢鬮號哭嫻繪事以意圖欽鬚眉笑貌宛若生平出入必泣飲食必祭訓迪諸子視欽有加嚴天啟中子鳳儀舉于鄉盼氏見姓苑齊威王使盼于守高唐趙不敢東漁于河

惠氏

鴈氏俱見姓苑

氏姓譜卷百二十二終

